


Moya O Xenile Ki Nto Mañi?

 . . . mane kwa mukopano. Mukopano wo ulukela kuba o shutani kwateni kufita yelubanga ni yona mo. Ha, nako kaufela ha lutaha hamoho mo, ki mukopano wa . . . kwa foliso ya bakuli ni ze tokwahala kwa mibili ya nama. Ki tiisezo ye beilwe kuzona. Kono busihu boo lu kalile ancafazo ye ya foliso ya moyo, ya—ya moya wa mutu.

Konohe, haiba Mulena alata, la Sunda kakusasana, kwa sikolo sa la Sunda, la Sunda kakusasana, lu kaba ni kulapelela bakuli ni mukoloko wa kamita wa foliso, la Sunda kakusasana, haiba Mulena alata. Mi ni masihu a sunda yee, lu hapelezwa hahulu kubulela fa litaba za Kuyakuile kwa—kwa moyo.

² Cwale, lu ziba kuli mubili ha—ha u folisizwe, kona ze lu bisa baba tabile, kakuli lu ziba hande kuli Mulimu ufolisa bakuli. Kono mutu ya kula yoo, haiba ukapila nako yetelele, uka kula hape, mwendi ka butuku bobuswana akile afoliswa kuona, mi seo ha si zwiwi fateni foliso. Dokota ukafa mulyani wa katabi, mi mwendi mazazi amabeli kasumulaho wakona kushwa kwa katabi amano mu bulelela kuli u iketile. Kaka kutela hape. Kono cwale moyo wani ha u so folisizwe, fohe u nani, mwahali ku wena, Bupilo Bobusafeli.

³ Mi Ni lumela kuli lu sutelezi hahulu bukaufi ni Kutaha kwa Mulena Jesu, kuli si lu hapeleza kueza kaufela ze konahala kutisa moyo kaufela kwa Mubuso, ni kutisa Mubuso kwa sicaba, kuli lukone kufoliswa kwa mioya yaluna. Ni lumela kuli mubili wa Jesu ki mubili o katazwa hahulu ki matuku ka mo Ni zibela; fo kikuli, ki—ki mubili, mubili wa moya wa Krete mwa lifasi, ukula hahulu.

⁴ Mi cwale, ha lu leli ku mi buluka mo nako yetelele hahulu busihu boo, kakuli mwa busihu bwapili haluna sibaka sa kuinisa teñi balikani baluna baba lateha. Lu mwa musebezi wa kuyaha keleke yenca, tabernakele yetuna ona mwa libaka zee, kamba kaufela koo Mulena uka lu isa; kono kuya ka mo lu zibela, faa.

⁵ Mi cwale lu file mukopano, Labulalu kufita la Sunda. Kono cwale la Sunda, lu kwala mazazi a Kilisimasi, kono ki . . . foo kaufela Mulena fa ka lu bulelela kuyemela, kona nako ona yeo. Haluzibi fela kuli linepo zaluna likaba cwani. Kono kulumela kuli balikani kwanu kwa tabernakele ni likeleke ze lu tusana ni zona (ili kuli, iliñwi ya zona ki—ki tabernakele yaba holiness kwa Utica, koo Muzwale Graham Snelling ki yena mulisana, mi mwa New Albany koo Muzwale—Muzwale Junie Jackson ki

yena mulisana, mi hape ni kwande mwa nzila yekambama koo Muzwale Ruddell ki yena mulisana), luna ni bona kwani, likeleke ze lutusana ni zona ni tabernakele ye, lu lika kutisa ba . . . sicaba sa luna siken i mwa kutwano yende ni Kreste. Woo kona mulelo waluna. Kacwalo Ni ketile kubala ni kuluta cwalo, kwa masihu atatama alikani . . .

⁶ Busihu boo Ni bata kubulela fa taba yakuli: *Moya O Kenile Ki Nto Mañi?* Mi kamuso busihu, Ni bata kukutaza yeli: *No Fezwi Sikamañi?* Mi la Bufaifi busihu . . . Ni, ku babasweli kurekoda, Hani lati kuli murekoda yani la Bufaifi busihu kuli: *Nikona Kuamuhela Cwani Moya o Kenile? hape Nikona Kuziba Cwani Ha Ni Nani Ona?* Mi cwale lu ka tuhela fela, mi lubone sa ka lu zamaisa Mulena ku zona, la Pelekelo ni a Sunda. Mi la Sunda kakusasana, sebelezo ya foliso, ni sebelezo yeñwi ya kuhasanya evangeli la Sunda busihu.

⁷ Mi lubata kuli mañi ni mañi a zibe kuli . . . Mi Ni ziba kuli baba rekoda basweli kuezwa cwalo mwa muzuzu kwa mulaho, mi lu lakaza kuli baeze cwalo. Kakuli, mwa mikopano yeswana sina yee, fa mufuta wa evangeli yee, luna ni batu babazwa kwa likopano za likeleke zeshutana kwa ze lutilwe mwa sibaka sabona luli sa tumelo, ifi ni ifi. Mi zeo ki zende. Nali kuba ni tabele kuzibahala ka kuba ni mulatu wa kucala twaniso mwahala mizwale. Mi kwande kwa mikopano, Ni kutazanga fela fa Buniti bwa evangeli ka Mañolo, ku seo mizwale babatusa mukopano waka balumela ku zona. Kono, mwa tabernakele mo, Ni—Ni bata kubulela fa litaba ze lu lumela. Kabakaleo, haiba mina—haiba mu sa utwisisi lika, Ni kona kuba yatabile luli kuba ni kapampili nyana ko mu ka ni ñolela, ku ni buza puzo ya—ya libaka ze lu lumelela litaba zecwalo. Mi Ni ka tabela kulika ku li tatulula kuya ka mo Ni konela.

⁸ Mwa ziba, keleke kaufela, haiba hamuna tuto, ha mu keleke. Muna ni kuba ni ze muyemela, milao yeñwi ye mu tokomela. Mi hakuna taba kamba mutu u wela kwa siemba sifi kamba kopano, haiba mutu yoo upepilwe sinca ka Moya wa Mulimu, yoo ki muzwale waka kamba kaizela ka, hakuna taba ka . . . Lwakona kushutana mwa lika zeñwi, kushutana sina upa kwa wiko, kono lu sa li mizwale. Mi hakuna ze Ni kona kuezwa kwanda kuli nituse muzwale kuba ni muzamao oli bukaufi, ni Kreste. Mi Ni lumela kuli mane, Mukreste wa niti wakona kuezwa taba yeswana kuna.

⁹ Cwale, Ni kupile tabernakele ye . . . Cwale, ha lu keni mwa litaba ze kuli li liyehise fela mukopano. Ni bata kukena mwateni, mi Ni bata kuli mina, mane ni mi kupa, kuli mufeze litaba zamina za kale, mi sibi kaufela si lukiswe, kuli lutahe mwa taba yelutaha kuyona ka lipilu zaluna kaufela ni bupilo. Luswanela kutahanga kwanu ka mulelo ulimuñwi unosi fela wa mioyo yaluna luitukise Kutaha kwa Mulena, mi kusike kwaba mulelo usili. Mi sina ha Ni bulezi ni kuambola kuli, kuli mwendi nako yeñwi Nakona kuluta kamba kubulela sesiñwi se si kona

kushutana nyana ku za ziba yomuñwi, mo ne ba li lumelela. Hani—Hani sika—sika taha kwanu ku to lwanisa, mwa bona, Ni—Ni tile. . . Luteni mo ku to itukiseza Kutaha kwa Mulena. Mi Ni sepa kuli sikwata nyana see. . .

¹⁰ Nina ni mizwale yetilo pota hamoho nina mo Na ziba, baba zwa kwa libaka zeshutana, mi lutabile kuba ni bona. Mi hakuna ku kakanya kuli ni mwa sicaba kutezi moo, kuna ni babañwi babazwa kwande a tolopo, kuzwa kwande a libaka zeñwi za litolopo zaluna zelubapani ni zona kwanu. Mi lu tabile kuba ni mina, mane luitumela hahulu ka mina, haiba mwa lu lata hande luli kuli mutilo utwa litaba zee. Mulimu. . . Shangwe hamunze muya cwalo, muzwale waka, kezeli, mulwale limbuyoti zendende zeo Mulimu akona ku sululela mwa pili za mina, kona tapelo yaka.

¹¹ Ni kwa tabernakele nyana ye, ka kubona kuli Ni lumela kuli ki sesiñwi sa sicaba sesinde se Ni lumela se siliteni mwa lifasi, sitahanga kwa tabernakele yee. Cwale, Na li kuba nibulele kuli “kaufela” ki batu babande. Ni bulezi kuli babañwi ba batu babande mwa lifasi batahanga kwa tabernakele yee. Kono sina zazi ni zazi, kukena kwa mulaho wa mukopano ni mukopano, Ni bona butokwa bubutuna bwa tabernakele yee, butokwa bobutuna mwateni, mi zeo k kutaza kamba kuipeya, ki bupilo bobutungile, muzamao wa fa kaufi ni Mulimu. Mi Ni ba sepisize kueza cwalo, kuli nibe ni Mañusa a ka bona. Mi lutabile ku mi tisa mwateni ni kukopana ni luna kupotoloha Linzwi la Mulimu, halunze lu luta ni kulika ku li tatulula.

¹² Cwale, masihu amalalu amakalelo haluna kubanga ni tuto ya kuluta fateni, kono ikaba Liñusa la kuluta mwa Linzwi la Mulimu.

Mi cwale, kakuli, Ha ni na kukupa kuli mutu aeze sika kaufela se Ni sa koni kueza na kasibili. Mi sunda ye ibile Kalvari yekanile hande kuna. Ni bile bukaufi hahulu kwa—kwa ku unsufala, mo Ni kona ku libulelela, kufitela mane Ni bata kuba ya takana. Kono Ni file tato kaufela ka kufelelela, ni lika kaufela ze Ni ziba, ku Mulena.

¹³ Busihu bobuñwi, mwendi kasamulaho nyana wa fahali a busihu, musala ka ni Na, kasamulaho wa kuzuha, ni kulapela ni kuambola ku Mulena, fa kapula nyana kwa mahutu mwa. . . musiyu waluna wa kwa pili, ni Libibele zepeli ze apuhile, lwa ipa ili luna sinca ku Mulimu, kwa sebelezo yetezi, kuli lu ka fa litakazo zaluna luli, mi lika kaufela, ni maikuto a sili kaufela, ni kwa sebelezo ya Mulena Jesu.

Mi Ni sepa kuli wo ibile mukwa wa mina, ni mina, kuli muezize nto yeswana. Mi cwale ha lutaha busihu boo, lu taha fa libaka ze kenile, mwahala sicaba se si bile si lapela, ni kuitima lico, ni kulukisa litaba, ni kuitukisa kuamuhela sika ku Mulimu.

Mi Ni ziba kuli ya ka taha ni tala haana kukuta ni tala ya hae, kono Mulimu u ka mufepa ka Sinkwa sa Bupilo.

¹⁴ Cwale, lu si ka bala kale mwa Buka ye kenile ya Hae, ha lu inamiseñi litho zaluna fa nako nyana.

¹⁵ Mulena, se kubile kale tapelo yefilwe mwa sibaka se busihu boo. Ku bile . . . lipina za Sione liopezwi ki bana ba Hao. Lipilu zabona li katuluhile. Lutile kwanu ku to ikenisa ili lun ku Wena, ni ku to Ku lapela kuzwelela kwa tasi a mioyo yaluna. Mi lu tisa taba ye kwa kupuzo ya Hao, Mulena, kuli No ize cwana inge Uinzi fa lilundu ha No luta balutiwa ba hao “Bafuyozwi baba na ni tala ni linyolwa la kuluka, kakuli ba ka kuliswa.” No sepisize cwalo, Mulena. Lu taha busihu boo ka lipilu ze kwaluhile. Lwa taha, lu lapile ni kunyolelwa, mi lu ziba kuli Uka buluka sepiso ya Hao.

¹⁶ Halunze lu lika ku kwalula makepe a kenile a Bibelee aa, kuli lubale ku Ona zeñozwi teñi, mi Moya o Kenile unge fela pilu ifi kaufela. Mi cwale Peu yeo iwele hande mwatasi, mo kuna ni tumelo yetezi ye ka tisa sepiso kaufela yeo Linzwi li file. Lu utwe, Mulena, ni ku lu kenisa, mane lu like. Mi haiba kuna ni nto kaufela ye si ka kena ka luna, Mulena, sibi kaufela se si si ka bakelwa, kaufela se si si ka luka, lu patululele sona cwale, Mulena, lu ka ya hande lu yo si kondisa, kakuli lu lemuha kuli lupila mwa miluti ya Kutaha kwa Mulena Jesu. Mi luna ni, O Mulimu ya Kenile, taha mwa miluti ya—ya kuluka kwa Hao busihu boo, mi lu kupa kuipa sinca, ni kukena, ni kutala ka Moya o Kenile mwa bupilo bwaluna.

¹⁷ Ka kubona kuli mililo ya ancafazo ikala kutima, ha lu kotezeñi likota za Linzwi, kuli Likone kutukisa mulilo omunca, kuli lipilu zaluna litale fela ciseho. Lu kenile, Mulena, ka Linzwi la Hao lelinde ni Mali a Hao, ni muhau wa Hao, lwa kupa. Mi buitumelo kaufela ni tumbo libe za Hao. Ikungele minahano yesiyo hande mwa lipilu zaluna. Lu kenise, O Mulena. Lufe lipilu ze kenile, ni mazoho a kenile, ni minahano ye kenile, kuli lukone kutaha mwa tempele ya Hao yekenile, busihu ni busihu, kunyakalala ni kutala Moya wa Hao. Lu kupa se ka Libizo la Jesu, ni ka bakala Hae. Amen.

¹⁸ Ni bata kubala Linzwi fela cwale. Mi halunze . . . Ni kupa kuli mutahange ni Libibele za mina, lipitoloto zamina, ni mapampili amina, fa kuñolanga Mañolo. Haiba mutabela cwalo, ikaba nto yende luli. Mi cwale hamunze mu amupula mwa kauhanyo ya 7 ya Likezo, ka kukalisa; kuli ni alabe puzo, kamba kukalisa kualaba puzo yeli: *Moya O Kenile Ki Nto Mañi?*

¹⁹ Hakuna se si ka koma Satani, haku si kaba sika mwa lifasi se si kona ku koma Satani, sina Linzwi la Mulimu. Jesu na itusisize Lona mwa ndwa yetuna ya Hae; Na ize, “Ku ñozwi . . .”

²⁰ Mi kakusana cwana, hane Ni sweli kuteeleza, mazazi nyana afelile, kwa tukiso yeñwi fa silimba yene bata kubulela

kuli pupo neizwile fela kwa mufuse omuñwi o no tahile hamoho, ni musili omuñwi, ni milyani ya mezi yeñwi ya mwa mubu, mi mufutumala wa lizazi wa bupa kokwani ya bupilo ni kutisa bupilo cwalo. Ha ki bukuba ni boo! Hanili mufutumala wa lizazi ukona kubulaya kokwani ya bupilo. Mubeye kokwani mwa lizazi, li ka i bulaya kapili. Mi hakuna taba ye cwalo; kono Satani ulikile ku ni natisa seo. Mi ha Ni zwa kwa kuisa Rebekah waka yomunyinyani kwa sikolo kakusasana cwana, mi mwa musipili wa kukuta, Na kala kutukisa silimba hape; mi Na hupula kuli Ni ka kena mwa makande ani hape, kacwalo Na si tima fela.

Mi hane Ni ya cwalo mwa nzila, Satani ali kuna, ki hali, “Kikuli wa ziba kuli Muuna yoo yobiza kuli Jesu neli fela muuna ni mutu kaufela, zazi mwa lizazi la Hae, inge Billy Graham kamba Oral Roberts? Na li fela mutu yene bakalile kuba ni sikwata nyana kutaha hamoho ku Yena ni kubulela kuli Ki Muuna yomutuna, mi kasumulaho nyana Aba yomutna, mi cwale Aba sina—sina mulimu ku bona. Mi cwale li hasanezi kai ni kai mwa lifasi, kuzwa Fa shwezi, mi kona mafelelezo.”

²¹ Na hupula nali, “U lihata lelituna luli!” Mi cwale Na fetuha hane Ni sweli fela kutula mukwakwa wa Granham Street. Na li, “Satani, wena yasweli kuambola kwa lizwalo laka, Ni tabela ku ku buza litaba nyana: Neli mañi yani yo ne babulezi baplofita ba Maheberu kuli wa taha? Neli mañi Mesia ya tozizwe yani? Ki sikamañi sene sili fa baana bani bene ba Muboni ni kubulela za bupilo bwa Hae, likitikiti za lilimo Asika taha kale fa? Neli mañi yana li bulezi hande ka swanelo yazona? Mi ha Na tile, se bali, ‘A balelwa mwahala lisinyi,’ mi Nali cwalo. ‘Na holofalezi bumawe bwa luna,’ mi Nali cwalo. ‘Mane A ikabela libita bafumi, kono Na ti lo zuha, ka zazi la bulalu,’ mi A zuha. Mi cwale A sepisa Moya o Kenile, mi Ni na ni Ona. Konakuli kihande u zwe ku Zeo, kakuli Liñozwi mwa Linzwi, mane Linzwi kaufela ki la niti.” Mi a mata. Mu mufe fela Linzwi, kona le li ka kondisa lika. Hakoni kuyemela Linzwi lani, kakuli Li tozizwe.

Ha lu kaleleni kubala busihu boo mwa kauhanyo ya 7 ya Buka ya Likezo.

Cwale muprisita yomutuna ki hali, Litaba zeo kana ki mo liñezi?

Mi ki hali, Banahesu, ni mina, bondate, a mu utwe; Mulimu wa kanya na iponisize ku kuku wa luna Abrahamama, a sali kwa Mesopotamia, a si ka yo ina kwa Karani kale,

A li ku yena, Tuha mwa naha ya henu, ni ku ba mushobo wa henu, mi uye mwa naha ye Ni ka ku supeza.

Mi ki ha zwa mwa naha ya Makaladeya, mi ayo yaha kwa Karani: mi kuzwa fani, ndatahe amano shwa, a mu zwisa mwateni, amutisa mwa naha mo mu yahile cwale.

Mi ha si ka mufa sanda mwateni, kutokwa, nihaiba sibakanyana se si hatwa ka lihutu: kono amu sepisa kuli uka mufa yona ibe liluwo la hae, ni la bana baba ikulyae, mwa mulaho wa hae ni ha na si ka pepa mwana.

. . . Mulimu amu bulelela, Kuli baikulu ba hae ba ka yo koza kwa naha isili; ba ka yo koza kwa naha isili, ba ezwe maswe ka myaha ye mianda yemine.

Kono sicaba se si ka ba kenya mwa butanga Ni ka si atula, kubulela Mulimu: ha ku ka fela zeo ba ka zwa mwateni, mi ba ka to ni sebeleza mwa naha ye.

Mi amufa bulikani bwa mupato: mi cwale Abrahama apepa Isaka, mi amukenya mwa mupato ka lizazi la bu eiti; mi Isaka apepa Jakobo; mi Jakobo apepa bapatriareka baba lishumi ka bababeli.

²² Fa sibaka se, lu bata kutalima taba ye, yeo Ni nahana kuli ki tuto yabutokwa ya kacenu, ka za. . . *Moya o Kenile Ki Nto Mañi? Ki sikamañi Kana? Mi, cwale, libaka le Ni ngezi lituto ze fa mwa mundandwe wazona cwana, haukon kutaha ku to amuhela Moya o Kenile u sa zibi kuli seo Uli sona. Mi ha u koni ku U amuhela, haiba wa ziba seo Uli sona, haiba u sa lumeli kuli Ufilwe ku wena, mi Ki wa hao. Mi, cwale, haukon kuziba haiba u U amuhezi, kamba nee, ha u sa zibi linepo zetaha ni Ona. Kona kuli haiba u ziba Seo uli sona, ni U lumezwi teñi, ni kezo Yo eza ha U taha, kipeto uka ziba so nani ha uka U amuhela. Mwabona? Zeo fela kona ze ka kondisa lika.*

²³ Inge fela mo ne Ni ambolela ni Muzwale Jeffries kacenu, mi ki hali, “Ni ka tabela kuba kwa mukopano busihu boo, kono Ni ka to bateni kamuso busihu.” Na sa zibi kuli mukopano usweli wa ezahala, kakuli ne lu si ka u zibahalisa; ona kwanu. Babañwi ba teni. . . Muzwale Leo ni babañwi ba balikani ba luna ni kuba bulelela, babazwa mwa tolopo. Kihande, kakuli ne lu sina sibaka mwa muika.

²⁴ Cwale Na li, “Muzwale Jeffries, haiba no ka ni luma ku yo kwaluha iliñwi ya masima a hao a mafula, mi ne Ni si ka ziba sika kaufela ka zona, Ne ni ka li sinyanya. Nakona kukenya mwateni sinotolo sisili kamba kuliza mota isili. Ne ni ka tabela kuziba mwa ku ezeza Ni si ka eza sika kale.”

Mi kona mo kuinezi ni ka kuamuhela Moya o Kenile. U lukela kuziba zo tahela, ni mwa ku U amuhelela, ni seo Uli sona.

Cwale, sibaka sapili, Moya o Kenile u sepisizwe.

²⁵ Neluka nga lisunda zelishumi kono mane. . . neba kusila mungundo wa tuto ye nekuka pala, seo Moya o Kenile uli sona. Kono, taba yapili, Ni bata ku i atumela kaswanelo fela kuli nife muinelo wayona busihu ni busihu, kipeto mubone busihu bo butatama haiba kuna ni puzo ifi kaufela.

26 Ki ba bakai mo ba ba si ka amuhela Moya o Kenile, baba si ka kolobezwa ka Moya o Kenile? Munanule mazoho amina, muziba kuli ha mu si ka amuhela kale. Amutalime fela mazoho.

Cwale Ni bata kuambola ka Yona, kuli Moya o Kenile ki sisupo, kakuli Ki sisupo. Lu lemuha kuli—kuli lisepiso kaufela li filwe ku luna ka . . . Abrahama neli ndatahe sepiso, kakuli Mulimu na file sepiso ku Abrahama ni kwa Peu ya mwamulaho wa hae. Sepiso ne i filwe “ku Abrahama ni kwa Peu ya hae.” Mi sisupo se ki sa sicaba sa bulikani.

27 Cwale, kuna ni shutano yetuna luli mwahala Mukreste fela ni Mukreste ya tezi Moya-o-Kenile. Mi cwale lu ka nga se kuzwa mwa Mañolo, ni ku libeya fela handende mwa Mañolo. Sibaka sapili, kuna ni Mukreste ya itumba kuba Mukreste. Kono haiba Mukreste ha si ka tazwa kale ka Moya o Kenile, ya cwalo u sa li fela mwa muzamao wa kuba Mukreste. Mwabona? Ha bulela kuli wa U lumela; u sa beleka ka Ona, kono Mulimu ha si ka mufa Moya woo, ona Moya o Kenile. Ha si ka fita kale fa mayemo ao ni Mulimu, ao Mulimu alemuhile.

28 Kakuli, seo, Mulimu na ezize bulikani ni Abrahama, Amano biza Abrahama, ili mufuta wa kubiza mulumeli kacenu.

A biza Abrahama, mi Abrahama azwa mwa naha ya habo mi aya kwa naha ya kusili, ku yo pila ni sicaba sisili, mi wani neli mufuta wa Mulimu ha biza mutu kuli atuhele butimani bwa hae, abakele sibi sa hae. U fulalela sicaba sa nali ni sona, u yo pila mwahala nyangela, mwahala mifuta yenca ya batu.

Mi cwale Mulimu amano fumana Abrahama kuba ya sepahala kwa sepiso ya na mufile Mulimu, kuli ukaba ni mwana, ni ka yena mwana yoo lifasi kaufela ne li ka fuyolwa ka yena, ona fani Mulimu ato paka tumelo ya hae ka ku mufa sisupo, mi sisupo sani neli mupato. Mi mupato ki mufuta wa Moya o Kenile.

29 Litimana fela zetatama za kauhanyo ye ze lu balile, haiba mubata ku li ñola. Mi cwale . . . Setefani ali, mwa timana ya 51:

Mina baba omelezi milala . . . baba sika kena mwa mupato wa pilu ni lizebe, muhana Moya o Kenile kamita: sina bokuku amina mo ba ezelize, ni mina mueza cwalo.

30 Mupato ki mufuta wa Moya o Kenile. Mi Mulimu nafile Abrahama si—si sisupo sa mupato kasamulaho wa kuamuhela Mulimu ka sepiso ya Hae mi ayo kena mwa naha ya kusili. Mwabona? Ne li sisupo.

Mi bana ba hae kaufela, ni peu ya mwa mulaho wa hae, ilukela kuba ni sisupo se mwa mibili ya bona, kakuli neli shutano. Ne li ku ba kauhanya kwa batu basili kaufela, ona sisupo se sa mupato.

31 Mi seo kona sa itusisa Mulimu kacenu. Ki sisupo sa mupato wa pilu, ona Moya o Kenile, seo sieza Keleke ya Mulimu kuba

Keleke ye kauhani kwa lituto zeñwi za litapelo, litumelo ni likopano. Bateni mwa mifuta ya likopano kaufela, kono niteni ki sicaba se si kauhani. Mu ni lumeleze kuambola ni mutu ka mizuzu yemibeli, Na kona ku mi bulelela haiba u amuhezi Moya o Kenile kamba nee; ni mina ki cwalo. Wa ba kauhanya. Ki liswayo. Ki sisupo. Mi Moya o Kenile ki sisupo. Mi ki . . .

Mwana kaufela ya na hana mupato mwa Testamente ya Kale, yeneli muluti ono supeza kwa Moya o Kenile, na bulaiwa mwahala batu. Na sa koni kuba ni kutwano ni babañwi ba mwa kopano, haiba na hana kukenyiwa mwa mupato.

Cwale muswanisise seo za kacenu. Mutu ya ka hana kuamuhela kolobezo ya Moya o Kenile, hakoni kuba ni kutwano mwahala bani baba na ni Moya o Kenile. Fela hamukoni kueza cwalo. U lukela kuba sibupeho. Sina, ki . . .

³² Boma fani ne ba bulelanga kuli, “Linyunywani za mafufa lifufelanga hamoho.” Kihande, ki nguli ya kale, kono ki ya niti. Ha mu bonangi maiba ni mañwalala inge asela hamoho. Micelo ya zona ya shutana. Mikwa ya zona ya shutana. Litakazo za zona za shutana.

Mi ona cwalo kona mo kuinezi ni lifasi mi ni Mukreste ha se u keni mwa *mupato* ka Moya o Kenile, ili kutalusa kuli, “kusehulula kwateni litalo.”

³³ Mupato no eziwa fela kwa baana. Kono haiba musali na nyezwi ku muuna, naaba siemba sa hae, kipeto u keni mwa mupato ni yena. Mwa muhupula, mwa Timotea, mo I bulezi hande mwani kuli, “Nihakuli cwalo u ka piliswa ka kupepa bana, haiba a tundamena mwa tumelo ni mwa kukena ka buiswalo kaufela.”

³⁴ Cwale, mupato. Mwa ziba hane kuna . . . Sarah fani ha seha mwa tende kwa mulaho wa hae, kwa liñusa la Lingeloi, ha Na bulezi kuli, “Abraham,” asa zibi kuli neli mañi, neli muenyi, “ukai musala hao, Sarah?” Kana Na zibile cwani kuli nana ni mufumahali?

³⁵ Sina Jesu hana ize, “Mo ne kuinezi mwa mazazi a Lota, kona mo ku ka bela ni ha taha Mwana mutu.” Muhupule, lisupo zeo ne li si ka ezahalela kwa Sodoma ni Gomora, mwa lifasi, mwahala ba bulapeli fela. Kono neli Baketwa, baba bizelizwe kwande. Mi Abrahamama na bizizwe. Mi linzwi lelili *keleke* litalusa “kubizezwa kwande; baba kauhani,” sina Abrahamama mwa na i kauhanyelize ili yena mi afiwa mupato.

Mi cwale Sarah hana sehile liñusa luli la Lingeloi, Mulimu na ka mubulaya ona fani; kono Na si ke akataza Sarah kusina kukataza Abrahamama, kakuli nebali alimuñwi. Nali siemba sa muuna. “Ha mu sa li bababeli, kono alimuñwi.”

³⁶ Kacwalo, mupato, Moya o Kenie kacenu ukenya pilu mwa mupato. Mi ki sisupo, ili sisupo se si filwe.

Yomuñwi na bulezi zazi leliñwi kuli . . . Ni ka kutela fela se, isiñi ka kuba lisheha. Kakuli, ki niti, kono ne liutwahalile inge lisheha. Sina ha Ni bulezi hañata, kuli se ha ki sibaka sa kuezeza lisheha. Kono nekuna ni mu German nyana kwa Likamba la kwa Wiko, ko ne luinzi kwani. A amuhela Moya o Kenile. Mi aya mwa mukwakwa, mi azamaya kabaka nyana, kipeto uyemisa mazoho a hae ni kubulela ka malimi. Mi kipeto wa mata kwateni, mi ni kutula, mane ni kuhuwa. Mi ha nali kwa musebezi, atundamena ona cwalo, mi muulena hae fa musebezi ali ku yena, “No i lo pota kai?” Uh-huh. Na lata libaka zeo ko ne uile. Ki hali, “Kubonahala kuli noile mwahala sicaba sa likuba zani.”

Ki hali, “Kipeto unahana kuli ki likuba?”

Ki hali, “Luli, ba cwalo.”

³⁷ Ki hali, “Kihande, kulumbwe Mulena ka litamiso!” Mi ki hali, “Kana wa ziba? Litamiso lina ni musebezi omutuna.” Ki hali, “Ka mutala, mota, muzwise kwateni litamiso kaufela ku yona, hamuna kuba ni sika konji fela ‘bingengemwa.’” Kona kuli yeo ki niti fela.

³⁸ Uba ya shutani kwateni Moya o Kenile ha utaha ku wena, kuli mane ngana ya lifasi le haisa ku tabela, mi i ka ku lwanisa, mane hakuna sa tabela kueza ni wena, ni hanyinyani. So pepilwe ki Lifasi lisili. Fo so li fela muzwahule, ka linako ze lishumi kufita mo no bezi muzwahule wa sapilu, haiba muya kwa libaka za kwahule koo kwa matakanyani a mishitu ya Africa. U ka shutana Moya o Kenile ha utaha, mi Ki sisupo. Ki liswayo mwahala sicaba.

³⁹ Cwale, mu li, “Kanti, Muzwale Branham, sisupo sa mupato sani ne si filwe ku Abrahama?” Yeo ki niti. “Ni kwa Peu ya hae?” Eeni.

⁴⁰ Ku lukile, cwale luka apula mwa Magalata, kauhanyo ya 3, timana ya 29, ni kubona seo mo sikona kuzamaelela ku luna. Magalata 3:29, ni kubona fela mupato wo mo ukona kuzamaelela ni Bamacaba, haiba lu Bamacaba; kanti, ka kupepwa ka nama ki mo luinezi.

Cwale, ya pili, Ni bata kubala timana ya 16.

Cwale ku Abrahama ni lusika lwa hae lisepiso zafiwa. (Abrahama ni peu lusika lwa hae!) Aku si ka bulelwa kuli, Ni masika, . . .

Mufuta kaufela wa . . . lubulele kuli, “Oh, Ni lusika lwa Abrahama, nina.” Batili. Kwa “Lusika,” Lusika lwa Abrahama!

. . . Haki kwa masika, inge ki amañata; kono ki lu lu luñwi, Mi kuizwe kwa—bona . . . Ni kwa lusika, kikuli Kreste.

⁴¹ Kreste nali Peu ya Abrahama. Kana mwa utwisisa? [Kopano ili, “Amen.”—Mu.] Ku lukile, cwale ha lungeni timana ya 28 ni timana ya 29.

Hakusana Mujuda kamba Mugerike, mane hakuna neba bazike kamba baba lukuluhile, mane hakuna muuna kamba musali: kakuli kaufela luna lu nto iliñwi ku Kreste Jesu.

Cwale ha mu li ba Kreste, fohe mu ba lusika lwa Abrahamama, mi mu ka ca sanda sa sepiso.

Lu amuhela cwani “Peu ya Abrahamama”? Ka kuba ku Kreste, kipeto lu ba Peu ya Abrahamama. Mi kana Peu ya Abrahamama neli sikamañi? Sina, lwakona kuya mwa Maroma 4 ni libaka zeshutana.

Abrahamama na si ka amuhela sepiso ha na bile ni mupato. Ku bonisa kuli mupato wani neli fela mufuta, na amuhezi sepiso asika kena kale mwa mupato. Mi neli mufuta, wa temuho ya tumelo ya hae yana nani asika kenyiwa kale mwa mupato.

⁴² Cwale, ha luli ku Kreste, lu ba Peu ya Abrahamama mi luna ni sanda hamoho ni Kreste, kabakaleo, hakuna taba kamba lu bo mañi, Mujuda kamba Mulicaba.

Mi, “Peu ya Abrahamama,” Peu ya Abrahamama ina ni tumelo ya Abrahamama, yenga Mulimu ka Linzwi la Hae. Hakuna taba kamba I bonahala cwani bukuba, ka kuba kezo yabuenyi, mo I ku ezeza kuba ya ipitezi, unge Mulimu ka Linzwi la Hae hakuna taba ka sika kaufela.

⁴³ Abrahamama ka myaha ye sebente-faifi ya kupepwa, ni Sarah fa sikisite-faifi, banga Mulimu ka Linzwi la Hae, mane babiza ze ne si cwalo ku Lona inge kuli ha li cwalo. Mu nahana kuli ma dokota ne ba hupuzi sikamañi, ba lizazi lani? Mu nahana kuli batu ne ba hupuzi sikamañi, ha ba bona muuna muhulu, myaha ye sebente-faifi ya kupepwa, uzamaya inge alumba Mulimu, kuli u “u kaba ni mbututu” ka musala hae, mi yena ki wa myaha ye sikisite-faifi kufitelela linako za basali? Kono, mwa bona, si ka kutiseza likezo ze sehisa, tumelo ya Abrahamama.

⁴⁴ Mi ha u keni mwa mupaho ka Moya o Kenile, Si ka eza nto yeswana ku wena. Si ka kuezisa lika zo sa nahani kuli wakona kueza. Si ka ku eza kuli unge sepiso ya Mulimu ni kulumela Mulimu.

⁴⁵ Cwale, Yona hape, kwande a—a sepiso ni sisupo, Ki sa niti hape. Cwale haiba mukona kuzamaya ni na mwa Maroma. Pili, Ni bata kuli muye nina mwa Maefese 4:30, mi ha lu baleñi fateni fa muzuzu fela. Maefese 4:30 ibulela cwana.

Cwale, mu utwile batu babañata ba bulela lika zeshutana ni maswayo. “Haiba wa yanga kwa keleke, una ni liswayo la keleke.” Mi batu babañwi ba li “Ki kubuluka lizazi leliñwi, lona lizazi la sabata, kuti—kuti kona liswalo la Mulimu.” Babañwi ba bona bali, “Ha lu ka beya bumembala bwaluna mwa kopano yeñwi, kipeto ku swailwe mwa Mubuso wa Mulimu.”

46 Cwale, Biblele ibulela ili, “Linzwi la mutu kaufela libe lishano, mi la Mulimu libe Niti.” Cwale, Maefese 4:30 ibala sina cwana:

Musike mwa swabisa Moya wa Mulimu, o muswailwe nombolo ka ona bakeñisa lizazi la kuliululwa kwa mina.

47 Ni ka lukela kuba ya buhali nyana fa tabe cwale, ni yale hande. Cwale, mina mizwale ba za milao mukutumane nyana fa nako. Mwabona? Kana mulemuhile butelele bo lika ina liswayo leo? Ha ki kuisa kwa ancafazo yetatama, kuisa kwa nako yetatama sesiñwi ha si ta fosahala. “Kuisa lizazi la kuliululwa kwa mina,” kona butelele mo mu swaezwi. “Kuisa lizazi la kuliululwa kwa mina,” ha u liuluzwi kuli ube ni Mulimu, kona butelele boo Moya o Kenile u ku swaya. Ha ki kuzwa mwa ancafazo kukena mwa ancafazo; kono ki kuzwa mwa Kuyakuile kukena mwa Kuyakuile, u swailwe ka Moya o Kenile.

Seo kona Moya o Kenile uli sona, Ki liswayo la Mulimu, kuli U fumani . . . u fumani sishemo fa Pila hae, mi Wa ku lata, mi Wa ku lumela, mi U beile liswayo la Hae fahalimu a hao. Liswayo ki sikamañi? Ufi kaufela. . . Kiñi, *liswayo* lisupeza kamba litalusa kuli “musebezi ufelile.” Amen. Mulimu u ku pilisizwe, u ku pilisize, u ku tapisize, u fumani kushemubiwa ni wena, ni ku ku swaya. U felize. U sibyana sa Hae kuisa lizazi la kuliululwa kwa hao. Sibyana se si *swailwe* ki “sibyana se si felile.”

Moya o Kenile ki nto mañi? Ki sisupo. Lu ka fita ku zona kasamulaho nyana, mwa Liñusa leliñwi, sisupo sana bulezi Paulusi. Malimi neli sisupo kwa balumeli, kamba ku babasi balumeli.

48 Cwale mulemuhe, kono, ku se, Moya o Kenile ki sisupo. Ni taluse. . . Mi Moya o Kenile ki liswayo. Ki sisupo sa na file Mulimu kwa bana ba Hae baba ketilwe. Ku Si hana, ki ku bulaiwa kuzwa mwa sicaba; mi ku Si amuhela, ki kufezana ni lifasi ni lika kaufela za lifasi, ni kuba siemba seo Mulimu abile liswayo la tumelelo ku sona.

49 Ne ni belekanga mwa linjanji kwanu ni ba Harry Waterberry, mi neluya kwani ku yo longa libyana mwa mota. Muzwale waka, Doc, ya yemi kwa mulaho kwani, utusanga kulonga limota. Mi mota ha i longiwa, ba ka pahama fa mota yani, ku yo itatuba, mi haiba afumana sika se si cepeta, fo likona kuwa ni kupwaceha, kamba kaufela se ne si kasinyeha; haana kuswaya mota yeo konji haiba mota yani i pakicilwe hande, konji ha se i longilwe hande ka swanelo, kuli kunyungana kwa mota hainze izamaya hakuna kusinya libyana ze li mwahali.

50 Boo kona butata ha lu swaiwi hahulu kufita fateni; lu ceputukile hahulu ka lika. Mi cwale Mutikitibi ha ya kuyona, ku to tatuba bupilo bwa hao, kubona haiba ha u si ka ceputuka ka lika zeñwi, ku ceputuka nyana mwa tapelo ya hao, ku ceputuka nyana kwa kacimacima kani, ku ceputuka nyana kwa lulimo

Iwani, kusebaka babañwi, Hana kuswaya mota yeo. Mikwa yeñwi ye masila, lika zeñwi ze swabisa, ngana yeñwi ye bolile, Hakoni kuswaya mota yeo.

Kono cwale Ha fumana lika kaufela liteni mwa sibaka sa zona, Mutikitibi, cwale Uka i swaya. Haiba mutu uka nyamatala kukwalula liswayo la mota yelibile ko iya ka libaka le iswaezwi! Ki zeo foo. “Musike mwa swala mutoziwa wa Ka; ni kueza bapolofita ba Ka bumaswe. Kakuli Ni li ku mina, ku kaba hande kuli licwe li tamelelwe mwa mulala wa hao, mi a nepelwe mwa buliba bwa liwate, kufita neba kulika kunyemisa kamba kwafilikanya alimuñwi wa babanyinyani baba swailwe baa.” Mwabona se si taluswa?

⁵¹ Kona seo Moya o Kenile uli sona. Ki sepiso ya hao. Ki sepiso silelezo ya hao. Ki bupaki bwa hao. Ki liswayo la hao. Ki sisupo sa hao, kuli, “Ni libile Lihalimu. Usike wa bilaela sa bulela diabulosi! Ni tamehile kuya kwa Lihalimu. Kiñi? Na ni swaile. U ni file Ona. U ni swaile kuba mwa Mubuso wa Hae, mi Ni tamehile kuya kwa Kanya! Mutuhele moya ufuke, mutuhele kuli Satani aeze za bata kueza. Mulimu u sa ni swaile kale kuisa lizazi la kuliululwa.” Amen! Kona Moya o Kenile seo ili sona. Oh, mu lukela ku U tabela. Ha ni koni ku zwelapili Ona usiyo. Zeñata za kona kubulelwa foo, kono Ni kolwa kuli mwa ziba ze Ni ambola.

⁵² Cwale, hape, ha lu sikuluheñi mwa Joani 14, fa muzuzu fela. Ni lata fela Linzwi! Ki Niti.

⁵³ Cwale, Moya wa Mulimu, ona Moya o Kenile, kana Moya o Kenile kinto mañi? Ki Moya wa Kreste ku wena. Cwale, lu si ka bala kale, Ni tabela fela kubulela manzwi alikani faa. Moya o Kenile ki sikamañi? Ki liswayo. Moya o Kenile ki sikamañi? Ki bulikani. Moya o Kenile ki sikamañi? Ki lisupo. Moya o Kenile ki sikamañi cwale? Ki...ki Moya wa Jesu Kreste ku wena. Mwabona? “Fa nako nyana,” Jesu naize, “mi lifasi ha li sa Ni bona; kono mina mu ka Ni bona, kakuli Ni kaba ni mina, mane mwahala mina, kuisa kwa mafelelezo a lifasi.” Moya wa Mulimu wa Keleke ya Hae!

⁵⁴ Ka libaka lifi? Kiñi sa Na li ezelize cwalo? Yeo ki taba nyana ya tuto ya kamuso busihu. Kono kiñi sa Na ezelize cwalo? Kiñi ha Na ezize cwalo, kiñi Moya o Kenile...Kiñi, ki sikamañi sa Na tezi? Kiñi sa Na tezi, kiñi sa Na tezi ku na? Neli kuzwelapili misebezi ya Mulimu.

⁵⁵ “Ni ezanga fela se si Mu tabisa Ndate. Ha ni si ka tela ku to eza Tato ya Ka fela, kono ki ya Ndate ya Ni lumile. Mi Ndate ya Ni lumile una ni Na; mi Sina Ndate ha Ni lumile, nina Ni mi luma cwalo.” Oh, mawi! [Muzwale Branham ukambela mazoho a hae hamoho habeli—Mu.] Ndate yana Mu lumile, aya ku Yena. Ndate yana lumile Jesu ataha ku Yena, na beleka ku Yena.

Mi Jesu ya ku luma, ki yena ya ya ni wena mi u ku wena. Mi haiba Moya wani, ono pila ku Jesu Kreste, no Mu ezize likezo

za Na ezize, mu kaba ni temuho yateni mo U ka ezeza ha Uli ku mina, kakuli Bupilo bwani habukoni kucinca. Uka zamaya kuzwa mubili wo kuya mubili wani, kono Ha u koni kucinca sibupeho sa Ona, kakuli ki Mulimu.

⁵⁶ Cwale mwa Joani 14, ha lu baleñi fela hanyinyani fela, kukalela fa timana ya 10.

Ha ulumeli. . . kuli Ni nzi ku Ndate, ni kuli Ndate u kuna? ki misebezi. . . manzwi Ee Ni mi bulelezi ha Ni i puleleli ona fela: kono ki Ndate ya pila ku na, ki yena yaeza misebezi. (Munahane ka zeo cwale.)

Mu ni lumele kuli Ni inzi ku Ndate, mi Ndate u ku na: ku si cwalo mu ni lumele ka bakala misebezi.

Kaniti, niti, Ni li ku mina, Ya lumela ku na, misebezi ye Ni eza u ka i eza. . . niyena; mane misebezi yemituna kufita yeo ki ya ka eza; kakuli Ni ya ku Ndate.

Kana ha muboni? Mwabona mwa Na bulelezi? Cwale mutalime se, mo si tahela seo. Ni ka bala fapata nyana. Lu ka bala kuyofita fa timana ya 20. “Mi kaufela se mu ka kupa. . .” Ha lu boneñi, Ni bile ni. . . Eehe. Uh-huh. Kulukile.

Mi se mu ka kupa kaufela ka libizo laka, Ni ka si eza, kuli Ndate a lumbwe ka Mwana.

Ha mu kupa se siñwi ka libizo la ka, Ni ka si eza.

Ha mu ni lata, mu ka mamela litaelo zaka.

Mi Na ni ka kalepa Ndate, (cwale amutalime) mi uka mifa Mutiisapilu yomuñwi, kuli aine ni mina kamita;

Neba ona Moya wa niti; o lifasi li sa koni ku u amuhela, kakuli ha li u boni, mi ha u li zibi: kono mina mwa u ziba; kakuli u inzi ni mina, mi utaba ku mina.

⁵⁷ Kana Moya wo ki mañi cwale? Moya o Kenile ki nto mañi? Ki Krete ku wena. Mutiisapilu, yani ki yena Moya o Kenile. “Mi cwale Mutiisapilu ha sa tile, U ka eza lika zeswana ze Ni ezize Mutiisapilu inge ali ku Na. Ni ka lapela Ndate, mi U ka mifa Mutiisapilu. Mwa ziba Mutiisapilu. Lifasi ha li Mu zibi, halina ku ziba. Kono mina mwa Mu ziba kakuli U pila cwale ni mina,” Jesu wa bulela, “kono U kaba mwahala ku mina.” Ki fohe cwale, yani ki yena Mutiisapilu, “ukaba ku mina.”

Ha nina ku mi siya muli lindiyala: Ni ka taha ku mina.

“Ha nina. . .” Cwale, yo ki yena Mutiisapilu, Krete. Yoo ki yena Moya o Kenile ali yena, ki Krete.

Ku sana ni nako nyana, lifasi halina ku ni bona hape; kono mina mu ka ni bona: kakuli Na na pila, ni mina. . . mu ka pila.

⁵⁸ Oh, lwakona kuzwelapili cwalo cwalo; kono, ku mu zibe. Ki Yena mañi? Ki liswayo. Ki sisupo. Ki yena Mutiisapilu. Mwabona Seo ali sona? Peu ya Abrahamama i ka Li luwa.

59 Cwale ha lu fumaneni kuli . . . seo hape Mutiisapilu ali sona. Ha lu yeñi mwa Joani Wapili 16:7, lubone haiba Ha kiyena Muyemeli, hape. Mwa ziba yo muyemeli ali yena, kuba muyemeli. Luna ni muyemeli. Lwa ziba cwalo. Joani Wapili kauhanyo ya 16 . . . Oh, mulibelele fa muzuzu, Mu ni swalele. Muñoli Joani, ki yona, 16:7. Mu ni swalele. Ni swabile luli Ni bulezi cwalo. Ha ni si ka ibala hande fa . . . nina ni 16:7.

Konohe Ni mi bulelela niti; Kwa mi lukela kuli Ni zamaye: kakuli ha Ni sa yi, Mutiisapilu haana ku taha ku mina; kono haiba Ni ikela, Ni ka mi lumela yena.

Mi cwale ha sa tile, uka omanya lifasi bakeñisa sibi, ni ka kuluka, ni ka katulo:

Ka sibi, kakuli haba sika lumela ku na;

Ka kuluka, kakuli Ni ya ku Ndate, mi ha mu na ku ni bona hape;

Ka katulo, kakuli mulena wa lifasi le uatuzwi.

60 Mawi! Cwale, Muyemeli, ufumaneha mwa—mwa Joani Wapili 2:12. Cwale ha lu baleñi seo, fa muzuzu fela, Joani Wapili 2:12. Mu ni swalele, Joani Wapili . . . 1 ni 2, ki yona. Ni liñozi kulo faa, Joani Wapili 2:1 kuya fa 2.

Bana baka babanyinyani Ni mi ñolela litaba zeo, kuli musike mwa eza sibi. Mi mutu haeza sibi, lu na ni muyemeli fapila Ndate, ki Jesu Kreste ya lukile:

Muyemeli ki mañi? Ki Jesu Kreste ya lukile.

Mi yena ki—yena ki sitabelo se si lifa libi za luna: mi isi za luna fela kono ni za lifasi kaufela.

61 Moya o Kenile ki nto mañi? Ki Muyemeli. Kana ueza . . . Muyemeli ki mutu yacwani? U ezanga sikamañi? Amube muyemeli. Una ni makeke. U, U yema mwa sibaka sa hao. U, U eza lika zo sa koni kuezza. Ki, Ki—Ki sitabelo sa libi za hao. Ki yena kuluka kwa hao. Ki yena foliso ya hao. Ki yena Bupilo bwa hao. Ki yena zuho ya hao. Ki yena kaufela za nani Mulimu ka wena. Ki yena Muyemeli.

62 Mo lukona kukenela mwa butungi ka zeo ni ku li shitula hande kuzwelela fafasi, kuli mane hane U—U lu lapelela ka ku sa ziba kwaluna. Fokuñwi hane kuli . . . luna ni Moya o Kenile, lu kena fela ka kuakaleza mwa lika. Moya o Kenile ubezi teñi ku lu yemela. Ki yena Muyemeli wa luna. U yemela mwa . . . Ki yena Muyemeli mwa kuta. U yema fani mi wa lu kupela kwateni. Ha lu i kupeli ka luna bañi, kakuli Moya o Kenile ku luna kona o lu kupela kwateni. Moya o Kenile kona o bulela, fokuñwi ka manzwi o mu sa utwisisi, mi Yena wa lu lapelela kwateni. Seo kona Moya o Kenile uli sona.

63 Ha Ni kena mwa sika kaufela, Ni—Ni zamaya inge mwanana yomunyinyani; mukena sina mwanana ni mina. Luna, lu zamaya

mwa lifasi le li nsu lelitezi lila, lelitezi sibi, lelitezi malaba, lelitezi lika kaufela.

Mu li, “Oh, Na saba. Na saba kunga bupilo bwa Bukreste. Na, Na saba kueza se. Na saba Ni ka eza se.”

Usike wa saba. Luna ni Muyemeli. Amen. Oh, Wa lu yema bukaufi. U ina ku luna, mane Wa lu kupela kwateni. Moya o Kenile, katundamo, katundamo u sweli ku lu yemela, ka nako kaufela. Ki yena Muyemeli wa luna. Oh, lwa itumela ku Mulimu ka zeo!

⁶⁴ Liswayo, sisupo, Moya wa Bupilo, ki yena Mulimu wa Lihalimu, yeli Mutiisapilu, ili Bupilo, yena Muyemeli. Ki Yena mañi? Oh, mawi! Lwakona kuzwelapili ka liholo ni yona.

⁶⁵ Cwale lu ka cinca fa muzuzu fela. Cwale lu ka kupa cwale. . .

Lu sepisizwe mwa mazazi a maungulo! Muyemeli yoo, liswayo, sepiso, kaufela ze lu ambozi ka Yena busihu boo, ni zeñwi ze likana likitiki ze mashumi ni kufitelela, No sepisize ku luna mwa lizazi mafelelezo.

Ne ba si na Ona mwa lizazi lani. Nebana ni fela liswayo mwa mubili wabona, kuba ponahazo ni sisupo, ne ba lumela kuli No taha, mi ne bazamaya ka muluti wa mulao. Mane, ona cwalo ne ba kenyizwe mwa mupato wa nama.

⁶⁶ Kacenu ha lu zamayi ka muluti wa mulao. Lu zamaya ka mata a zuho. Lu zamaya ka mata a Moya, Yena ya li liswayo la luna la niti, Muyemeli waluna wa niti, Mutiisapilu wa luna wa niti, sisupo sa luna sa niti kuli lu pepilwe kuzwa kwa Lihalimu; lwa shutana, sicaba se si ipitezi, lueza ka lisheha, lunga Mulimu ka Linzwi la Hae, lubiza zeñwi kaufela kufosahala. Linzwi la Mulimu kona le li lukile. Zeo ki. . . Oh, mawi! Seo kona Moya o Kenile uli sona.

⁶⁷ Kana mwa U bata? Kikuli hamukoni kutabela kuba ni Ona? [Kopano ili, “Amen.”—Mu.] Ha lu boneñi haiba No sepisizwe.

Cwale ha lu kuteleñi ku Isaya, Buka ya Isaya. Ha lu ngeni kauhanyo ya 28 ya Isaya. Cwale lu ya mwa Isaya 28, mi lu ka kalela ka. . . Ha lu ngeni timana ya 8, lubone sa na bulezi Isaya, myaha ye mianda yesupile ni ye twelufu U si ka taha kale.

⁶⁸ Lwakona kubulela zeñata ka se, lukute kwa mulaho, kukutela kwa mulaho, kono lu ka kalela ona fa mi lubone haiba No sepisizwe kwa Keleke. Ne li lizazi mañi lo No lukela kutaha? Mwa mazazi a mafelelezo, hane kukaba—kukaba ni sinyeho. Cwale muhupule, linzwi ki mwa buñata, “mazazi,” mazazi amabeli asiyezi, myaha yeeza likiti zepeli yefitile.

Cwale, cwale timana ya 8.

Kaufela, *kakuli litafule kaufela litezi fela. . . masila, ili kulimane hakuna sibaka se si kenile.*

69 Mubatisise kacenu kuli mu li fumane. Mutalime kwa ni kwa mi mubone haiba lu mwa lizazi lateni. “Litafule kaufela!” Kiñi, baya kwa Mulalelo wa Mulena, mi taba yapili, mwa buino bwa litaba zateni, munge siemba sa kale sa sinkwa se si bunolo kamba liñende la mukele, ni ku si komauna ni kuezwa mulalelo. Kanti, zeo li lukela kuba ka mazoho a Moya o Kenile, ni sinkwa se si si ka umelwa. Kreste hana masila ni ku sa kena, mi sani si yemela Yena.

70 Nto yeñwi, ba li fa kwa sicaba mi ba nwa, bapuma, bapuma, bazuba, bamumuna kwai, (whew!) kinto yeñwi, haibile fela ki ba siemba sa keleke. Libe kwahule zeo! Haiba muuna a ikungela zeo ha lu sweli kuca se fa, usweli kubuyela ni kuinwela katulo anosi, ka ku sa lemuha Mubili wa Mulena. Haiba ha pili bupilo bwatani, inela kwahule ni yona.

Mi ha u sa iceli yona, kubonisa kuli lizwalo la hao lina ni mulatu. “Ya sa ci kwatani, haana siemba ni Na,” Jesu abulela.

71 Kono litapelo za Mulena kamukana litezi fela masila. Hakuna neba sibaka silisiñwi se si kenile. Amuteezeze, haiba seo ha si swani ni kacenu!

Ki mañi yo . . . u ka talifisa mañi? mi ki mañi ya ka . . . utwiseza tuto? . . .

. . . kimañi ya ka utwisisa zibo? . . . ki mañi ya kona ku utwiseza tuto? . . .

“Kihande, kulumbwe Mulimu, Ni wa Presbyterian. Ni wa Methodist. Ni wa Pentekota. Ni wa Nazarene. Ni wa Pilgrim Holiness.” Zeo ha li talusi ne ba nto yekana ku Mulimu; ki tafule yeñwi fela.

. . . kimañi ye Ni ka zibisa tuto? . . .

72 Ki tuto ya mufuta o cwalo; Methodist, Baptist, Presbyterian, Pentekota? Ki Tuto ya Bible!

. . . ki mañi ye Ni ka zibisa tuto? . . .

73 U ziba cwani ha se ufitiel ku Ona? Lu ka fita kuzona la Bufaifi busihu. Mwabona?

. . . ki mañi ye Ni ka zibisa tuto? (cwale mutalime) kana uka luta baba sa zo kwiswa kamba baba umuzwi kwa mazwele.

74 Limbututu ze nyinyani libulela kuli, “Kihande, Ni yanga kwa keleke, boma ne ba tahanga kwa keleke yee.” Hanina sa kunyaza ka zona, muzwale yomunde. Mi Ni lemuha kuli se sa tepiñiwa. Zeo ki zende luli, ku fumaneha kwa keleke ya bomaho. Kono, muteezeze, boma ne ba zamaya mwa liseli leliñwi, wena uzamaya ku leliñwi.

75 Luther na zamaya mwa liseli leliñwi; Wesley na zamaile ku leliñwi. Wesley na zamaile mwa liseli leliñwi; Pentekota i zamaile ku leliñwi. Kono luna lu zamaya ku leliphami kufita

lani kacenu. Mi haiba ku na ni lusika loluñwi, li ka ya ka kulufitelela.

⁷⁶ Kwa mulaho mwa mazazi apili, taba yeo inge isali yetuna, neli yetuna luli, Luther na lutile za kuluka ka tumelo. Zani neli fela kutisa sicaba kuzwa mwa Bukatolika kukena mwa Buipanguli, kukena mwa kutwano ya Linzwi. Kuluka ka tumelo, sani neli sibaka sesituna luli. Ne ba si ka zwa ku zona.

⁷⁷ Kasamulaho wa fani kwa taha ancafazo yeñwi yebizwa John Wesley. Ya ba nyunga kuzwa fani, ni ku mutisa ku za kukeniswa, upile hande, ka kukena, bupilo bu kenile, bo bu kenisizwe ka Linzwi la Mulimu, unzo sweli kufa tabo mwa pilu ya hao. Zani za to nyunga tuto yeñata yaba Lutheran.

⁷⁸ Kwa nalulelule kwa taha Pentekota ni kolobezo ya Moya o Kenile, ni ku to li kusufaza hape, ka ku amuhela Moya o Kenile. Yeo ki niti.

Mi cwale zeo kona zekalile ku nyunga katata. Ni limpo, ni ku kutisezwa, ni Moya wa Mulimu so tile mwateni, mwa mutalelela wa lisupo ni ze komikisa, kutaha mwa Keleke, mi u nyungile Pentekota. Ki sikamañi seo? Se luli fakaufi hahulu ni Kutaha kwa Mulena Jesu, kufitela Moya luli onoli ku Yena u beleka mwa Keleke, kueza lika zeswana luli za Na ezize ha Na li fa lifasi faa. Ha li si kaba kale kai ni kai, kukuta kwa nako ya baapositola kufita ka nako yee.

Kiñi? Mwabona, li hasani; za kusufala, za kusufala, za kusufala. Ki sikamañi seo? Kuswana fela inge lizoho la hao ha litaha kwa muluti; muluti, muluti, muluti. Kono ki sikamañi seo? Ki muluti fela. Luther nali sikamañi? Na li muluti wa Kreste. Wesley nali sikamañi? Na li muluti wa Kreste.

⁷⁹ Mutalime, lusika lwa Billy Sunday lufelile. Zazi leliñwi, muuna muhulu Dr. Whitney, ulutile ona fa kata la fa, wa mafelelezo wa batu baikale, a shwa, mwa lilimo ze nainte, Na sepa. Billy Sunday nali muancafazi kwa likeleke za sihalihali mwa lizazi lani. Na si ka keshebisa; na yema fani ni kuhuwa ali, “Mina kaufela ba Methodist mutahile mwa nzila ya bupi bwa likota ni zeñwi! Kaufela mina ba Baptist muzamaile nzila ya bupi bwa likota! Mina ba Presybterian!” Na si ka keshebisa. Na li Billy Graham wa lizazi la kacenu.

⁸⁰ Mulemuhe. Mi cwale, nako yeswana yeo keleke ya sihalihali hane iba ni ancafazo ya bona, kiñi ze ne ezahalile? Evangeli Yetezi neina ni ancafazo. Kwa taha mizwale ba Bosworth, Smith Wigglesworth, ni Dr. Price, Aimee McPherson, ni bani kaufela.

Mutalime, Smith Wigglesworth ashwa busihu bobuñwi. Dokota Price ashwa kakusasana o tatama. Mwahala liholo ze twenti-foo Na ba mwa simu.

⁸¹ Cwale mafelelezo aka ataha. Mutalime kwa... Ha mu sa utwa hahulu za Billy Graham. Ha mu sa utwa hahulu za Oral

Roberts. Ni bona mikopano yaka isweli kukwahela ka miluti. Ki butata mañi? Lu kwa mafelelezo, lusika lusili.

⁸² Kanti Billy Sunday natile cwani, ni babañwi bani? Ne ba tile fela kasamulaho wa ancafazo ya Moody. Kana Moody natile lili? Neli kasamulaho fela wa ancafazo ya Knox. Ki lili fa na tezi Knox? Kasamulaho fela wa ancafazo ya Finney. Finney kasamulaho wa Calvin, Calvin mwa mulaho . . . Kacwalo, Wesley, ni Wesley mwa mulaho wa Luther. Kutaha cwalo cwalo hala masika ki mo ba tahezi. Kuzwa fela fo kufelela ancafazo iliñwi, Mulimu utisanga yeñwi ni kutisa Liseli ka buñata; uzamayanga fela ona cwalo.

⁸³ Cwale lu kwa mafelelezo a nako ye. Mutu ufi kaufela ulibezezi kubona mafelelezo a nzila ya hae kuli kube Kutaha kwa Kreste, kono nebana ni zeñata za kulibezele; kukuta kwa Majuda, kufufa kwa lipangaliko mwa mbyumbyulu, lika ze kaufela ze lubona kacenu. Kono lu kwa mafelelezo. Ki luna ba fa cwale. Ne ba ziba kuli Keleke neina ni kuamuhela Mata ana ka beleka mwa Keleke ka misebezi yeswana ya Kreste, kakuli sina muluti ha unzo ya uhula ni kuhula, kona mo uka nbonisiza ona cwalo.

⁸⁴ Munge muluti. Kwahule nyana ni muluti, ponahazo nyana ye ka bonahala kwa muluti. Kasamulaho nyana, muluti uba fakaufi ni fakaufi, kufitela kufitela kota ni muluti liba nto yeswana.

⁸⁵ Cwale, Moya wa Mulimu ubelekile ka kuluka, mwatasa Luther; kukeniswa, mwatasa Wesley; kolobezo ya Moya o Kenile, mwatasa Pentekota; mi ki Wo fa mwa lizazi la mafelelezo, utundanisa ni kueza zeswana luli zo No ezize hane U li ku Kreste. Kisikamañi seo? Keleke ni Kreste se libile nto Iliñwi.

Mi Li sa swalisana fela hamoho, yona tamahano ya mafelelezo yani, Ika ngelwa mwa mbyumbyulu, inge ihuwa. Mane kutahe Wesley, Luther, ni babañwi bona kwa mulaho mwa mazazi ani kwani, “yali wa pili ukaba wa mafelelezo, yali kwa mafelelezo ukaba wa pili,” mi kona ku ka taha zuho.

⁸⁶ Lu kwa mafelelezo a nako. Amuteezeze, kona so eza Moya o Kenile seo. Moya o Kenile, ka kuluka, mwabona, ki muluti fela olikani wa Ona; Moya o Kenile, ka kukeniswa, ki muluti nyana otibile wa Ona; Moya o Kenile, ka kolobezo ya Ona, ki muluti o tibile nyana; cwale Moya o Kenile, ka kukutisezwa kwa Mutu sakata wa Ona ka kuba moo, kueza lisupo ni limakazo sina mwa Na ezelize kwa makalelo. Whew! Kanya! Uka ni biza kuli “mupikuluhi ya kenile,” nihakuli cwalo, mwakona ku kalisa kueza zeo cwale.

⁸⁷ Muteezeze, mizwale, muteezeze ku se.

. . . litafule kaufela litezi fela mataza . . . hakusana sibaka se si kenile.

*Ki mañi yo aka luta butali? . . . u ka zibisa mañi,
kimañi ya ka utwizeza tuto? baba kwiswa kwa mabisi,
ni ku zwiswa kwa mazwele.*

Isiñi limbututu zenyinyani; limbututu za Presbyterian, limbututu za Methodist, limbututu za Pentekota, limbututu za ba Lutheran, limbututu za ba Nazarene. U bata mutu ya itakaleza ku kwa kwa kuanya kuli aikungele nama yetiile. Ki ye fa yataha:

*Kakuli ki mulao fahalimwa omuñwi mulao, . . .
fahalimwa mulao; taelo fahalimu a yeñwi taelo, . . .
fahaimu a taelo; hanyinyani kafa, hanyinyani kafa:*

*Kakuli ka milomo ya ba silimi ni ka puo ya batu basili
Ni ka bulela kwa sicaba se.*

*Na si bulelezi ali, Ka sona se mu ka fumana kupumula
mufumanise ya katezi pumulo; ka se mu ka fumana ku
katuluha: kono ba hanile ku utwa.*

⁸⁸ Moya o Kenile, haiba cwalo ha ki cona fela mo Li tahezi ka Lizazi la Pentekota, ne li polofitilwe myaha ye minada yesupa ni twelufu Li si ka taha kale! Ki Leo foo Lizazi la Pentekota, litaha fela hande kaswanelo.

⁸⁹ Yomuñwi naize, “Ki kubuluka lizazi la sabata.” Ha ni hani kamba ku nyanyifaza keleke ya mutu kamba bulapeli. Kono naize, “Lizazi la sabata, sabata ya Mulimu neli lizazi la pumulo.”

Le fa ki lizazi la pumulo. [Muzwale Branham unanula Bibebe ya hae—Mu.] “Ye kona pumulo,” A bulela, “kuli mu pumule ya katezi.” Yeo ki yona. Amen! “I kaba mulao fahalimwa mulao omuñwi, taelo fahalimu a yeñwi taelo.” Ki ye pumulo. Moya o Kenile ki nto mañi? Ki pumulo. Oh!

*Mu tahe ku na mina kamukana ba ba katezi ni baba
imezwi, mi Ni ka mi imulula.*

⁹⁰ Ki Yena mañi? Yena Yoo yali ku wena, u kufa kozo; sisupo sa hao, Mutiisapilu wa hao; ku ombaombiwa, ku katuluha, kuswaiwa.

⁹¹ U ikutwa cwani . . . ? Ki sisupo; lifasi li ziba nto yeñwi ye ezahalile ku wena. Kinto mañi Yeo? Ki Mutiisapilu. Ki sikamañi Seo? Ki liswayo. Wa pumula. U na ni . . . Ki yena Muyemeli wa hao. Haiba, wena, sesiñwi si ezahala ku wena, kuna ni Sesiñwi mwani se si kona ku kuyemela kapili luli, mwabona, sesi ku kupela kwateni. Ki Moya wa Mulimu o pila mwa Keleke, o polofitile handende so No kaba sona ka nako Ha u taha. U kaba wa kuyakuile, pumulo ya Kuyakuile.

⁹² Mulimu na ezize lifasi. Maheberu, kauhanyo ya 4. “Mulimu na ezize lifasi, mi apumula ka lizazi la busebene.” Yeo ki niti.

Lizazi la bueti la kuta hape, mwatasi. . . Na file zeo kwa Majuda kuba bulikani, ka nako yeñwi yelikani. Yeo ki niti. Kono

ba o pumula lizazi li liliñwi; mukuta kwa mulaho, ki lizazi lapili mwa sunda, ba kalisa sinca hape, yenca, kukalisa hape. Yeo ha ki yona pumulo yana bulela ka yona Mulimu.

Mulimu ha na bupile lifasi mwa mazazi a silezi, ha Nailo pumula, Apumula kuzwa ona fani kupumulelela. Yeo ki niti. Ani neli ona mafelelezo. Na si ka kuta ka lizazi la bueiti ni kukalisa sinca hape.

⁹³ Ne li fela muluti. Cwale, wani neli fela mufuta, inge kweli kwa lizazi; kono cwale lizazi ha li taha, halusa tokwa kweli hape. Cwale mulemuhe se, oh, mwa Sinulo 11, “Musali ni kweli mwatasi a mahutu a hae, mi lizazi fa toho ya hae.” Oh, neluka fita mwa Bibe, kuzwa likepe kuya kwa likepe, ni ku mi bonisa. Mwabona?

⁹⁴ Kono kinto mañi yeo? Kanti, Bibe ibulezi mwa Maheberu kauhanyo yabu 4, “Haiba Jesu na ba file lizazi la pumulo, Na ka bulela ka lona hasamulaho; Na ka bulela ka lizazi la pumulo.” Ki lizazi lifi la Na bulezi ka lona, la pumulo?

Mu tahe ku na, mina kamukana baba katezi ni baba imezwi, mi Ni ka mi umulula.

⁹⁵ Mateu kauhanyo ya 11, timana ya 22. . . Mutalime, cwale, lu fumana kuli ha lu taha ku Yena. “Kakuli yena,” ubulezi mwa Maheberu 4, “kuli ya keni mwa pumulo ya Jesu, u pumuzi kwa misebezi ya hae ya lifasi, sina Mulimu ha pumuzi ku ya Hae,” nako Ya bupa lifasi, na si ka kutela ku lona hape. Nako yekuma kai? [Muzwale Branham ungongota fa katala halalu—Mu.] U swailwe nako yekuma kai ka Moya o Kenile? “Kuisa lizazi la kuliululwa kwa hao.” Yeo kona pumulo yani, mutiisapilu, Muyemeli, liswayo, Mulamuleli. Oh! [Muzwale Branham ukambela mazoho a hae hañwi.] Ni ikutwa kutabela, kamba Ni ikutwa kufuyolwa cwalo. Oh!

⁹⁶ “Kana U sepeselizwe luna, Muzwale Branham? Kana li pakilwe ka Bibe nji?”

Ku lukile, ha luyeni ku Joele, lu fumane sa na bulezi Joele ka Ona.

Mo Ni bezi ya itumela ka Linzwi la Mulimu le li fuyozwi! Kana mwa Li lata? [Kopano ili, “Amen.”—Mu.] Ni hupula kuli kambe ne si ka Linzwi, ha Ni zibi kuli ne luka yema kai. Ku lukile.

Lu mwa Joele cwale. Lu ya ku Joele, kauhanyo ya 2 ya Joele, mi lu ka kalela fa timana ya 28. Joele 2:28, myaha ye mianda ye eiti kusikaba kale kutaha kwa Krete, mupolofita mwa Moya. Cwale amuteeleze.

Mi ku ka ezahala kuli hakufelile, Ni ka sulula moya waka fahalimwa libupiwa kaufela; . . . mi bana bamina babashimani ni basizana ba ka polofita, baana bahulu ba mina ba lole litolo, mi micaha ba mina ba bone lipono:

Mi ni batanga baka ba baana ni ba basali Ni ka sulula mwa mazazi ao. . . ni ka sulula, mwa mazazi ao, mwa moya waka.

Mi Ni ka bonisa limakazo mwa lihalimu ni mwa lifasi, mali, . . . mulilo, ni musu obonahala inge tukundukundu.

Lizazi li ka fetuha lififi, kweli ifetuhe inge mali, ku si ka taha kale lizazi leli. . . lelituna le li sabisa la MULENA.

Mane kuezahale kuli, mutu ni mutu ya ka lapela libizo la MULENA u ka piliswa:

97 Zeo ki. . . Oh! Sikamañi? Joele! Kana mulemuhe? Mwa Likezo 2, Pitrosi na ngile timana yeswana. Ali, “Mina baana ba Isilaele, mu utwe manzwi aka. Baa ha ba si ka kolwa,” ba baswailwe, ba tisizwe lipilu, bashutani, ki sicaba se si ipitezi. “Ha ba si ka kolwa, ka mo mu nahanela,” Likezo 2, “kakuli ye ki hola ya bulalu mwa musihali. Kono se ki sona se si bulezwi kiJoele mupolofita, kuli, ‘Ku ka ezahala kuli mwa mazazi a maungulo Ni ka sulula Moya wa Ka fahalimwa libupiwa kaufela.’”

98 Kiñi Seo, Moya o Kenile ki nto mañi? Ku lukile, cwale ha lu lemuheñi hape, u sepisizwe kwa balumeli, kona Seo uli sona. Cwale, ona Moya o Kenile woo, lu fumane seo uli Sona, fa muzuzu fela. Kikuli U sepiseizwe mañi? Kwa balumeli.

Cwale ha luyeni mwa Luka, kauhanyo ya 24, kauhanyo ya Luka, muteeleze sa na bulezi Jesu mwa Manzwi a Hae a mafelelezo Asika zwa kale mwa lifasi. Luka kauhanyo ya 24. Mi mina babasweli kuñola zeo cwale, mwakona ku i ñola, mi mu yo ipalela yona kamuso hamuka ba ni nako. Cwale, Luka 24:49, muteeleze Jesu wa bulela. Kwa mafelelezo, ha Na sweli kupahama kuya kwa Kanya, kuya kwa hae, ki ao foo Manzwi Ana bulezi kwa balutiwa ba Hae.

. . . amubone, Ni mi lumela sepiso ya Ndate. . .

Sepiso mañi? Ya liswayo, sona sisupo, yena Mutiisapilu, ni lika ze kaufela ze Ni bulezi kazona, linako zeñata likitikiti.

. . . Ni mi lumela sepiso ya Ndate: . . .

Sepiso mañi? “Yona ya na bulezi Isaya kuli ika taha, ‘Ka milomo ya silimi ni puo isili Ni ka bulela kwa sicaba se.’ Ni ka mi lumela pumulo yeo. Ni ka luma sa na bulezi Joele, kuli, ‘Si ka ezahala mwa mazazi a mafelelezo, kubulela Mulimu, Ni ka sulula Moya wa Ka fahalimwa mina.’ Oh, Ni ka mi lumela ona, ni kueza linaha kaufela, macaba kaufela, kukalela kwa Jerusalema. . . Ni ka tisa mwateni peu ya Abrahamama mwatasi a bulikani boo. Ni ka swaya mañi ni mañi wa bona. Mwabona, Ni ka sulula Moya wa Ka.”

. . . Ni ka mi lumela sepiso ya Ndate: kono mulibelele, kotalisa kuli, mulitele mwa munzi wa Jerusalema, kufitela mutala mata a zwelela kwa lihalimu.

⁹⁹ Kanti Moya o Kenile kinto mañi he? “Mata azwa kwa Lihalimu!” Isiñi mata a zwa ku bishopu, isiñi mata azwa kwa keleke. Kono, “Mata azwa kwa Lihalimu!”

¹⁰⁰ Mata ao na tile cwani? Ka “kuikopanya kwa keleke nji”? Ni mi swabisa kueza cwalo, mubulele haiba kona cwalo. Ka “kuikopana kwa keleke, kuswalana mwa mazoho ni mukutazi nji”? Batili, sha. Cwale, ku ina Makatolika, “ki kulabula lulimi lwa hao ni ku koomeza silalu sa pili”? Batili, sha.

¹⁰¹ Cwale Na tile cwani, Mata azwa kwa Lihalimu? Ha lu baleñi fapata nyana. Ha lu yeñi mwa Likezo 1:8. Ba sweli ba kopana hamoho cwale. Cwale ne ba sweli kuambola za Jesu fa, ha ne ba kopani hamoho, mi ne se ba ketile yomuñwi kuli ange sibaka sa Judasi. Likezo 1:8.

Kono mu ka amuhela mata, Moya o Kenile ha se u tile fahalimwa mina: . . .

Sikamañi? “Ukaba membala wa Branham Tabernacle nji”? Batili. “U kaba membala wa keleke ya Methodist, wa keleke ya Katolika, wa Presbyterian nji”? Ha ki cwalo, mwa Bibe. Yeo ki tuto ya ipangezi mutu.

“Kono u ka amuhela Mata ha se ubile mukutazi nji”? Batili, sha. “U ka amuhela Mata ha se u bile ni Bachelor of Art nji”? Batili, sha. “Mu ka amu- . . . ukaba ni Mata ha se u bile ni DD”? Batili, sha. “U ka amuhela Mata ha se u kolobelizwe mwa mezi”? Batili, sha. “U ka amuhela Mata ha se u cile mulalelo wapili nji”? Batili, sha. Mwabona, zeo kaufela ki litaba za ikupulezi mutu.

¹⁰² Amuteeleze se i bulezi Bibe, sana bulezi Jesu.

. . . mu ka amuhela mata Moya o Kenile ha u ka taha ku mina: (Moya o Kenile ki nto mañi? ki Mata) mi kuzwa foo, mu ka ba lipaki. . . (“Mina ba twelufu fela kihona, ki mina mu ka paka kwa Jerusalema”) . . . mu ka ba lipaki zaka mwa Jerusalema, . . . Judea, . . . Samaria, mane ni kwa mafelelezo a lifasi. (Mane ha li si ka fita kale kwatani.)

Mi ha sa bulezi zeo, . . . ha sa bulezi litaba zeo, inze ba mu talimile, ki ha ngelwa mwa halimu lilu . . . la mu tusa mwa meto a bona.

¹⁰³ Cwale amu ye fa likepe le li fa buse, mubone sipolofita seo ha si talelezwa.

Mi cwale lizazi la Pentekota ha li tile, ne ba inzi kamukana ku likuñwi. . . ne bainzi kamukana mwa sibaka silisiñwi.

“Mi ka nako iliñwi fela mukutazi akena mi . . .”? Ni zwile mwa nzila foo, nji Cwani? “Ka nako iliñwi fela muprisita aya fa katala”? Batili.

Mi ka nako iliñwi fela kwa utwiwa mulumo . . .

Isiñi fela tumelo ya kulikanyisa; Ne ili teni, neli mulumo.

“Mukutazi na atumela fa sikwalo nji”? “Muprisita a nanula silalo, inge azwa mwa sihalaleho nji”? Batili, hakuna ze cwalo.

. . . kwa utwiwa mulumo o zwa kwa lihalimu . . . (Isiñi kuhoholola lwa mahutu) . . . kwa utwiwa mulumo o zwa kwa lihalimu sina . . . inge wa moya wa liñungwa (Oh, mawi! Whew! . . . ? . . .) . . . mi wa to tala ndu kaufela yene bali ku yona.

¹⁰⁴ Moya o Kenile ki nto mañi? Ki fa fo ba amuhela Mata. Fa kona fo ba lukela kulibelela; ki seo se ne si ezahalile ha ba to eza cwalo. Kaufela ba polofita, kuzwa kwa Genese kutaha cwalo kukambama, kuzwa ku Abrahamama kutaha cwalo kubabañwi; Ne una ni kutaha, mi mo No ka tela, ni linepo ne lika taha. Kinto mañi Yeo? U sepisizwe kwa Keleke, kwa balumeli.

. . . mi wa to talandu kaufela yene ba li ku yona.

Mi kwa bonahala malimi a kauhana sina . . . a mulilo, atoina fahalimu ayomuñwi ni yomuñwi.

Mi kamukana abona batala Moya o Kenile, mi ba kala kubulela ka lipuo lisili, mo Moya no ba buleliseza.

Cwale lu ka fita ku zeo, la Bufaifi busihu. Lu ka siyela seo ona foo, mwabona.

¹⁰⁵ Ku cwani Foo? Ki sepišo kwa Keleke, kaniti ki sepišo. Ku lukile.

¹⁰⁶ Cwale, cwale lu ka fumana kuli, ba ma no tazwa cwalo, ba swaiwa kuisa lili? [Kopano ili, “Kisa lizazi la kuliululwa.”—Mu.]

Ki ba bakai mo babana ni Moya o Kenile? Ha lu boneñi mazoho. Kuna ni babañata babana ni Moya o Kenile kufita babasina ona. Lubata kuli ni mina mube alimuñwi wa luna, muzwale, kezeli. Ha mu utwisisa seo Uli sona, Ki . . . Ki ona Moya wa Mulimu oyahile ku mina, kuli mueze misebezi ya Mulimu.

Mi Mulimu ha luma Moya wa Hae ku ufi kaufela wa batanga ba Hae, ufi kaufela wa bapolofita ba Hae, ufi kaufela wa baluti ba Hae, ufi kaufela wa baapositola ba Hae, neba haniwa kamita kwa lifasi. Ne ba talimwa kuli ba pulumuka, mwa lusika ni lusika nebaliteni bao. Neba fani Paulusi hana yemi fapila Agripa, na ize, “Ka za nzila yebali ki tuto ye keluhile . . .” Ku *keluha* ki sikamañi? “Kulyangana.” “Ka za nzila yebali ki tuto ye lyangani, sikwata sa likuba, kona nzila yeswana ye Ni sebeleza Mulimu ba bokuku aluna.” [Muzwale Branham ukambela mazoho a hae hañwi—Mu.] Ni tabile hahulu kuli Ni kona kubulela kuli Ni alimuñwi wa bona. Eeni, sha. Yeo ki niti. Ni tabile hahulu kuli Ni kona kubulela kuli Ni alimuñwi wa bona.

¹⁰⁷ Cwale, kasamulaho Moya o Kenile u taha fahalimu a bona, Wa ba eza kuba babande hahulu kuli mane lika kamukana za

swana. Kana ku cwalo? Mawi, mawi, ha ki kutwano ni yeo! Lwa opelanga pina yeo linako zeñwi, “Oh, ha ki bulikani kwa butuna! Oh, ha ki tabo kwa Butuna!” Kona cwalo. Ne ba sina taba, ne ba tokomeli kamba lizazi—lizazi ne li si ke la monyeha. Ne ba si ka kupa mumbeta o bunolo otezi lizalisa.

“Cwale, Ni ka amuhela Moya o Kenile,” kona mo ba ni bulelela batu babañwi, “Bo. Branham, haiba u ka ni kolisa kuli Ni be milioneya, haiba u ka ni kolisa kuli Ni ka fumana masima a butale bwa mafula, mi Ni ka fumana mikoti ya butale bwa gauda, mi Ni—Ni. . .” Mwabona, sicaba sa luta cwalo, mi ba luta buhata. Mulimu ha si ka sepisa lika zeo.

¹⁰⁸ Mutu ya amuhezi Moya o Kenile haana taba kamba uka kupelela buhobe, kamba nee. Ha si eza shutano kuyena. Ki sibupiwa se si libile kwa Lihalimu. Ha na ku . . . Haana se si mu tama fa, ni hanyinyani. Yeo ki niti. Haana taba. Kutahe sikamañi, kuye sikamañi, cwani ni cwani. Ba mu lwanise, ba mu sehe. U latehelwe ki likute, u bilaela sikamañi? U mwa musipili wa hao kuliba kwa Kanya! Haleluya! Meeto a hao atalimile ku Kreste, mi u mwa musipili wa hao. Hauna taba ka seo lifasi li bulela.

Seo kona se uli sona Moya o Kenile. Ki Mata, Ki liswayo, Ki Mutiisapilu, Ki Muyemeli, Ki sisupo. Oh, mawi! Ki sepiso yakuli Mulimu u ku amuhezi.

Se Ni ngile nako yekuma kai? Ni nani fela mizuzu ye eiti kihona. Ku lukile. Halubone ni . . . Nina ni Mañolo amañata faa. Ha ni sepi kuli Nika kona kufita kuona, kono luka—luka lika mo lukonela.

¹⁰⁹ Cwale, mutu ha sa talizwe ka Moya o Kenile, kikuli kwa konahala kuli manyando ni lika zeñwi li ka mukutisa kwa. . . Cwale, haana ku luza, u sa li mwana Mulimu, ukana abanga ona cwalo, kakuli u swailwe kuiza lili? [Kopano ili, “Kuisa lizazi la kuliululwa.”—Mu.] Yeo ki niti. Kona se i bulezi Bibeale.

¹¹⁰ Cwale, balutiwa ha se ba shapilwe, ba sehiwa, ba boniwa bukuba, ni lika zeñwi kaufela, ne ba hupula kuli seli nako ya kukuta hamoho fa nako nyana. Halu apuleni mwa—mwa Likezo kauhanyo ya 4, ni kubona hane . . . li ezahalile. Cwale se ki sa mina sicaba se si U amuhezi kale. Likezo kauhanyo ya 4.

Cwale, Pitrosi ni Joani ne ba shapilwe, ba beiwa mwa tolongo, kwa sebelezo, kuba ni sebelezo ya foliso kwande fa munyako wa keleke. Ki ba bakai baba ziba cwalo? Nekuna ni muuna yana lobezi fani, yana bonahala kuba sihole sa mahutu. Na sa koni kuzamaya; na sa bile cwalo fa myaha ye mashumi amane. Mi Pitrosi ataha teñi. Mi ki hali. . . atambeka komoki ya hae, kuli sesiñwi si beiwe mwa komoki ya hae, akone kuca.

Mi Pitrosi abonisa kuli nali mukutazi ya tezi Moya o Kenile, nasina mali ni amakana. Ki hali—ki hali, “Silivera ni gauda ha Ni na yona.” Mwabona, na sa bilaeli ka zeo. Kono na li si—si sibupiwa sesi libile Lihalimu. Oh, mo Ni lakaleza kuli kambe

luna ni nako nyana fateni foo, mwabona. Na libile kwa Lihalimu. Na susuezwa. Nana ni Moya. Nana ni Mata. A taha bukafu mi ali, “Silivera ni gauda ha Ni na zona, kono ze Ni nani Na kufa.”

Hakuna kukakanya muuna yani nainze, “Una ni sikamañi, muñaka?”

“Ni na ni tumelo. Nina ni sesiñwi mwa pilu yaka se ne si kalile mwendi ka mazazi a lishumi kwa mulaho. Ne ni li mwa ndu ya fahalimu yani, mi ka nako iliñwi fela, lisepiso kaufela za na file Mulimu. . . Ni zamaile ni Jesu Krete ka myaha yemilalu ni hafu. Ni yambile ni Yena, inge lu yamba litapi. Ni ezize lika ze shutana zeo. Mi Ni Muboni ha folisa bakuli. Na. . . Na tundamezi ku ni bulelela kuli, ‘Ndate u ku Na; kono cwale ha Ni ya, U ka taha ku wena.’ Kacwalo, Ne ni sa utwisisi seo. Kono Ki hali, ‘Cwale, Ha ni kulubeli kuli u li utwisisi.’”

Ha u utwisisi litaba ze; u li amuhele fela. Ha ni li utwisisi pili. Mi usike wa ni bulelela kuli wa utwisisa; kakuli, ha u li utwisisi. Mwabona? Kacwalo, ha Ni Li utwisisi, Ha ni koni ku Li utwisisa; kono, nto fela ye Ni ziba, Ni na ni Ona.

“Kihande, kihande,” mu li, “zeo ha ki kuya ka sayansi.” Oh, luli ku cwalo.

¹¹¹ Amutalime malaiti ani. Fani Benjamin Franklin hana a sweli, naize, “Ni li fumani.” Na sa zibi sa na sweli, kono nana ni sona. Mi Ni bata kuli mutu ani bulelele busihu boo seo malaiti ali sona. Ha ba zibi kuli kinto mañi pili, kono luna ni zona. Amen. Yeo ki niti. Hakuna mutu ya ziba kuli malaiti kinto mañi. Bakona ku aswala, ni ku monyeha, kuli acise, kuli asebeze. Kono a—a pangywa ki ma jenereta, liemba zepeli ze zamaelela on *cwalo*. Li tisa ona zeo, mi kona fela ze ba ziba. A ka monyeha liseli, mi ana ni mata kuona.

¹¹² Mi seo siswana sina Moya wa Mulimu. Ha una ni siemba silisiñwi, ki wena, mi siemba sesiñwi ki Mulimu; ni kulibeya inge libeleka hamoho *cwalo*, a ka ku ezeza sesiñwi. Yeo ki niti. A ka monyeha Liseli. A ka fa Mata. Ha u zibi kuli kinto Mañi, mi hauna kuziba kuli kinto Mañi yeo, kono uka ziba haiba u U amuhezi. Yeo kinto iliñwi ya niti. Mi Ki wa hao. Ki ya hao. Ki sepišo. Yeo ki niti.

Liseli *leo* libonisa sikamañi? Yeo ki sepišo. Ki lona liseli.

Cwale mulemuhe se. Cwale, ha u zibi kuli ki Nto mañi.

¹¹³ Kono balikani ba fa nebaize, “Kihande,” bakaba. . . ne ba bulezi nto iliñwi ye ba ziba, “Lu ziba kuli ha ba si ka ituta.” Ki babañwi ba “likuba” mwa bona, sina mu German yana bulezi kuli cwalo. Mwabona? Bali, “Ki litimbi mi ha ba si ka ituta. Kono ba bile ni Muyambi yani, Mubeti yani kafani, yabizwa Jesu, Ni ka mi bulelela, kakuli baeza lika zeswana Za sweli kueza.”

¹¹⁴ Seo kona Moya o Kenile uli sona, ki Jesu yapila ku muyambi wa sitimbi, mubeti, kamba sika kaufela, mukutazi wa sitimbi,

kamba ki sikamañi kaufela. Ki mutu ya bata kuba sitimbi kwa lika za lifasi, ni kulumeleza Jesu kutaha ku yena, ki Moya wa Mulimu, ki liswayo, ki Mutiisapilu. Haana taba ka za muikuhumuso; taba ya tabela fela ki Mulimu.

¹¹⁵ Mulimu ha na beya ka mulao, Na ize, “Mina Malivi kaufela, Ni mi bizelize kwande ni ku mieza baprisita. Ni mizwale ba mina, babañwi, masika a twelufu ni . . . masika asili a ilebene aka kulifa sa bulishumi.”

“Kanti, ukaba ni likotolo za ma apule anaini, sululela silisiñwi kwa Malivi. Ha u zwise lingu za hao mwa—mwa mulaka moo, unge ngu ya bulishumi. Hanina taba kamba ki yenyinyani, kamba yetuna, ki ye kima, kamba ki ye shebile, yeo ki ba Malivi.

“Cwale, Malivi, ha u ka ba ni zeo kaufela, kipeto wa fa sa bulishumi, ni wena, ku Mulena. U ka tisa mpo ya sitabelo, nubu ya sitabelo, litabelo ze shutana. U lifa ka sabulishumi ku Mulena.”

¹¹⁶ Li, “Mushe, kwa siemba sa hao, Na ni wa hao.” Oh, mawi! Ki hali, “Kina kabelo ya hao ye ku kulisa.”

Mi seo kona Moya o Kenile uli sona kwa Keleke kacenu. Silivera ni gauda ha Nina zona, kono Ni na ni Kabelo yekona ku ku kulisa. Haleluya! Tuto, Na hanikoni kubala hande Buka ye, kono Ni na ni Kabelo ya ni kulisa. Yeo ki yende. Digiri ya dokota, Hanina neba yekana; ma Ph.D kamba ma LD, kamba mane hakuna ni yekana. Kono kuna ni nto iliñwi ye Ni nani, ki Kabelo ye kulisa. Seo kona siemba se Ni bata. Seo kona siemba Mulimu sa bata kuli mube ni sona. Mu yumbe zeñwi kaufela za kale zeo kusili, muikuhumuso kaufela ni lika zeñwi, mi muzwele kwande muikungele Kabelo ya Mulimu ye katulusa.

¹¹⁷ Kakuli, se munani sa lifasi le, mu ka si siya fa nako ye mu funduka. Kono haiba mu na ni Kabelo ye kulisa yani, Ika mi isa mwa halimu ka swanelo fela. Lu sweli kunganga mali a bulukela kamuso, kacenu, kuli lufe malukulula. Ha lu ikungeleñi Kabelo ya Mulimu ye kulisa, ni kuamuhela Mupahamisi kufita kunga mushetumuni. Mwa ziba, bubeli bwa bona ba beleka.

¹¹⁸ Cwale ha lu boneñi.

. . . basino ba tuhela, ba ya kwa libaka za bona, . . .

Isiñi kukutela kwa baprisita. Mwabona, seo sibonisa kuli ne ba bile ni Ona. Ne ba sa kuteli ku za kale zani, ze bata, litaba ze futumala fela hape, batili; bakuta mi bali, “Cwale amubone se ba lu ezize!” Batili, batili. Ne ba na ni sikwata sa bona. Nekuna ni fela baba likani ba bona kwani, kono sani ne li sikwata tuna luli, neli sikwata nyana fela sa batu.

. . . ba ba lukulula, . . .

Ha bamano ba shapa ni ku ba sabisa, bali “Haiba ukile wa kolobeza fateni ka Libizo la Jesu hape!” Kamba, oh, Ni talusa

kuli. . . Kihande, yeo ni niti. Mwabona? “Haiba mu ka kutaza fateni ka Libizo la Jesu hape, kaufela se mueza, lu ka mi swala!”

119 Bali, “Whew, koo ki kubembiwa luli. Ha lu yeñi kubabañwi ba mizwale.” Oh, yeo kona nzila. Mwa tamahano kuna ni mata. Mwa tamahano ku nani mata. Bali, “Ha lu yeñi fela kwa mizwale babañwi ni kufumana ze lukona kueza.”

120 Cwale kaufela ba taha hamoho mi ne ba kandeka bupaki bobu shutana.

. . . ba si no lukululwa, ba kutela ku bahabo bona, baba zibisa litaba kaufela ze ba ba bulelezi baprisita babatuna ni ba bahulu.

Mi bao ha ba utwa cwalo, ba tumusa kwa manzwi kulapela Mulimu ka pilu iliñwi, . . .

Cwale ha muteleeze ze ne ba bulezi. Mu mutalime, amu ba bone, isiñi ku kuta mwa mulaho ni kubulela kuli, “O. . .” sesiñwi sesi cwalo kuli, “O Mulena, Ni swalele. . .” Batili. Ne ba pillisizwe kale. Ne ba talizwe kale ka Moya. Nebana ni Bupilo Bobusafeli.

. . . ba tumusa kwa manzwi . . . ba li pilu iliñwi, mi bali Mulena, wena u Mulimu, . . .

Amen! Na lata fela cwalo, Muzwale Palmer. Na lata cwalo.

. . . ki wena Mulimu (lwa ziba cwalo) kiyena ya ezize lihalimu, ni lifasi, ni mawate, ni ze kuona kamukana:

No bulezi ka mulomo wa mutanga hao Davida . . . wali, . . .

121 Cwale amutalime, mu ka yo kuta, muli, “Cwale, ha lu si ka. . .” Cwale muzwele kwani mu li, “Kihande, cwale, Mulena, cwale mulibelele fa muzuzu fa. Basweli fela ku ni bona lisheha!” Hanili Na bulezi kuli ba lukela kueza ona cwalo?

“Kaufela ba ba lata kupila ka bulumeli ku Jesu Krete ba ka nyandiswa.”

“Kihande, mwa ziba, mulena ka u ni bulelezi kuli haiba uka swala. . .” Kana ha i si ka bulela kuli baka bulela cwalo? “Kihande, mwa ziba, ne ba ni hohezi kwa kuta zazi leliñwi, ka Zona.”

122 Hanili Na ize, “Mu ka tiswa fapila malena ni babusisi, ka Libizo la Ka. Mu si ke mwa lukisa za kubulela, kakuli ha ki mina mu bulela?” Ne ni boni seo ha si ezahala maabani. “Ki Moya o Kenile o pila ku wena; Ya sweli kubulela.” Mwabona, “Yena.” Yeo ki niti. Ku lukile. “Musike mwa bilaela ka ze mu ka bulela.”

Mulena, ka . . . No bulezi ka . . . mulomo wa mutanga hao Davida wa li, Kiñi micaha se ba halifezi, mi batu ba lelekañi ze sina tuso?

Malena ba lifasi ba lumelelani, ni bazamaishi ba lifasi. . . mwa munzi mo kulwanisa Mulena hao ya kenile Kreste.

. . . ka niti, Mulena, kulwanisa mwana hao ya kenile Jesu, yo ketile wena, bubeli bwa Heroda, ni Ponto Pilato, bao Bamacaba, ni sicaba sa Isilaele, . . . ba putehanezi hamoho,

Ka kueza kaufela se si leliuwe ki lizoho la hao ni katulo ya hao kuli si ezahale.

Oh, mawi! Na lata cwalo. “Mulena, basweli fela kueza yona taba yeswa Yo bulezi kuli ne ba ka eza.” Bibeke i bulezi sikamañi? “Mwa mazazi a mafelelezo, ku ka taha basomi; baba inuneka, baba itumbaeta, baba lata minyaka hahulu kufita kulata Mulimu; ikaba lishembi, baba seba batu ka buhata, babasina buiswalo, ba ba toya batu babande; babana ni mubonahalelo wa bulapeli, kono ba latuzi. . .” Ne ba si ka ya kwani ku yo amuhela Mata: “. . . kasumulaho Moya o Kenile utaha fahalimwa mina.” “Kuba ni mubonahalelo wa bulapeli, kono se si eza mata ateni ba si latuzi: ku baba cwalo muzwe kubona.” Seo kona Moya o Kenile uli sona. Mwabona?

. . . se si leliuwe . . . ku ezahala.

. . . cwale, Mulena, talima fa milelo ya bona: mi—mi ube batanga ba hao, ni kuli ka bundume kaufela lukone kubulela linzwi kusina sabo,

Oh, Na lata cwalo! Amu zwise lisapo la moongola o si ka tiya, mi mubeye mwateni moongola otiile. Cwale mutalime faa.

. . . lukone ku bulela manzwi a hao,

Ka kuotolola lizoho la hao kuli ufolise; . . .

Oh, muzwale! Madimona ha ushwi, kono Moya o Kenile ni ona ha u shwi. Mwabona?

. . . kuotolola lizoho la hao kuli ufolise; . . . kuli lisupo ni ze komokisa li ezwe ka libizo la hao ya kenile Jesu.

Mwa bona se ne ba kananela, nji cwani? Basweli kueza taba yeswana kacenu, kono ha si ni ezi hande ni hanyinyani.

Mi ba si no feza kulapela, sibaka se ne ba kopani ku sona sa zikinyeha mi batu kamukana; ba tala Moya o Kenile, mi . . . ba bulela linzwi la Mulimu ba sa sabi.

¹²³ Whew! Mawi! Bafiwa nto yeñwi hane baile kwani, nji cwani? Sepiso ne ibulezi kuli seo kona Moya o Kenile uli ona, ku mifa bundume, ku mifa mbombolelwa, ku mi swaya, ku mifa sisupo. Oh, mawi!

¹²⁴ Muteezeze. Oh, kambe luna ni nako, neluna ka ya ni Filipi kwa Masamaria. Mwa Likezo 8:14; mina kamukana babasweli kuñola. Ne ba amuhezi tabo yetuna, nebana ni lifoliso zetuna, kono ne ba kolobelizwe ka Libizo la Jesu Kreste. Kono ba luma

kwa Jerusalema, ku yonga Pitrosi; ataha mi aba beya mazoho, mi ba amuhela Moya o Kenile. Likezo 8:14.

¹²⁵ Bamacaba, nekuna ni alimuyomuñwi wa libizo la Kernele. Na li muuna yomunde, na lifanga sa bulishumi, na yahezi sicaba sinagoge, na kuteka Mulimu, na saba Mulimu; muuna yomunde, mu Presbyterian yomunde, Methodist, Baptist, kamba nto isili fela, mwabona, ki muuna yomunde luli. Kono zazi leliñwi, Mulimu naize, “Ki muuna yomunde; kacwalo Ni ka mu lumela fela kwa mukopano. Ni ka isa mukutazi waka teñi ni ku mu bulelela ka Zona.” Ku lukile.

Kacwalo abona pono, ali, “Zamaya kwa Jopa, mi uka fumana mutu kwani ya bizwa Simoni, musuhi. Mi kuna ni alimuñwi, Simoni Pitrosi, kulo kwani. Yoo ataha kwanu; u ka ku bulelela nzila, kakuli u amuhezi nto yeñwi.”

¹²⁶ Mi Pitrosi a sa yemi fani . . . Mi Kornele aya kwa ku kubamela mukutazi yani. Aeza cwalo. Kono Pitrosi ali, “Yema. Ni mutu sina wena.”

“Mi Pitrosi a sa bulela Manzwi ao,” ka mo ne ba kutezi kwani, kwa simuluho kwa . . . Kinto yeswana ye Ni ambola kayona, ka mo Mulimu na sepisize kusulula Moya o Kenile. “Na sa bulela Manzwi ao, Moya o Kenile wa wela fahalimwa bona.” Whew! Ehe. Seo kona Moya o Kenile uli sona, kana Ki wa mañi. Luli. “Mi kaufela ba tala Moya o Kenile.”

¹²⁷ Cwale mubone mwa Efese nekuna ni muzwale wa Baptist. Nali munituti wa milao, ya talifile, muuna ya itutile, yana ziba mulao; muuna yomutuna, munituti. Zazi leliñwi akala kubala Bibebe, mi abona mwateni kuli kuna ni ya ka taha wa libizo la Mesia. Mi asino eza cwalo, kupalañi, akala ku utwa za Jesu yo, mi ki hali, “Na kolwa luli. Mi Ni bulela patalaza tumelo yaka kuli Jesu ki Kreste, yena Mwana a Mulimu.” Na li mu Baptist wa niti. Ki yo ataha fa, “Ni bulela patalaza kuli Jesu ki yena Kreste.” Akala kueza hahulu kuli mane Mulimu amubizeza mwa bulumiwa. Mulimu kamita ukana abulelanga kwa pilu ya niti.

¹²⁸ Mi nekuna in musuhi wa matalo kwani wa lizoho la Aquila ni Priscilla, muuna ni musala hae. Ne ba suha matalo kueza litende. Likezo kauhanyo ya 18, ya mi bulelela ka zona. Paulusi, neli balikani ba hae. Ne ba amuhezi Moya o Kenile ka mazoho a Paulusi ni tuto ya hae.

Ba utwa kuli ne ku nani ancafazo kwani, kacwalo ba ya kwateni. Nekuna nifela baba lishumi kamba ba twelufu bene batile kwani. Kacwalo aya neku lani ku yo bona kwateni, mi a uta mukutazi yo inza kutaza, ka busepahali bwa pilu ya hae. Ki hali, “Mwa ziba, Ni lumela kuli uka teezeza Niti.”

Kacwalo kasumulaho wa sebelezo ifela, amu bizeza kwatuko kwa mulaho wa tende, mi ali, “Amutalime, luna ni muzwale yomunyinyani yakuma butelele sina cwana, Mujuda nyana wa

ngo yesikami inge kashuto, mi, kono ha ka taha, u ka mi luta Linzwi la Mulimu patalaza.” Kihande, kasumulaho nyana . . .

¹²⁹ Paulusi nalimwa tolongo ka nako yeswana. Sibaka se si maswe luli kuli mukutazi wa kacenu afumanehe mwateni, nji cwani? Kono na li mwa tolongo, mi Mulena ki yena yana muisize kwani. Kacwalo kasumulaho wa kutaha kwa zikinyeho ya lifasi, ni ku nyunga tolongo, anga mulibeleli wa mapantiti ni ba ndu ya hae ni ku ba kolobeza kaufela, ka Libizo la Mulena Jesu, ni ku funduka, kuliba kusili.

Mi kona fa na lelekile fela moya o maswe kuzwa, ku musizana yomunyinyani yana laula. Mi, cwale, nebasweli kufumana mashelēni amañata ka yena, kacwalo a to patulula makilikicani a bona, kacwalo he ba mubeya mwa tolongo ka zona. Mi Mulena anyunga tolongo yani, kakuli Nana ni sikwata sa batu kwani bene bateeleza Niti. Hamukoni kutama Linzwi la Mulimu. Kuna ni . . . Hakuna taba kube cwani, ha mukoni. Hamukoni fela kueza cwalo.

¹³⁰ Kacwalo ataha teñi kone kuna ni muuna yani. Mi Aquila ni Priscilla, mwendi nebana ni sinkwa. Mi kapili fela kasumulaho wa kuca mañende, bali, “Lu ka ya kwa ancafazo.”

Paulusi aina kwa mulaho mi ali kuswala lisila la hae, inge ateeleza mukutazi wa Baptist yoo inza kutaza.

Ki hali, “Ki hande, so kotalize, kono kuna ni zeñata za Teni.” Ali, “Ni bata ku kubuza puzo, Dr. Apollos. Kana uamuhezi Moya o Kenile nako yoo lumela?”

“Oh,” ki hali, “ha lu ziba haiba kuna ni ze cwalo. U talusa sikamañi, hauli ‘Moya o Kenile’? Lu ba Baptist.”

Ali, “U ziba cwani kuli u wa Baptist?” Mwabona?

“Kihande, ne lu kolobelizwe. Lu ziba fela kolobezo ya Joani.”

Ki hali, “Na kolobelize fela kwa kubaka, inza bulela kuli ‘mulumele ku Yena yana ni kutaha,’ yoo ki Jesu Kreste.”

Mi asino utwa cwalo, ba kolobezwa sinca, ka Libizo la Jesu Kreste. Mi Paulusi abeya mazoho fahalimwa bona, Moya o Kenile wa taha fahalimwa bona, mi ba bulela ka lipuo lisili ni kupolofita. Bali, “kaufela.”

¹³¹ Cwale, cwale, lu ka eza cwani zeo? Ni bata ku mi bulelela nto yeñwi, mi Na . . . Lu ka kwala, kakuli, seli, Ni mi bulelezi kuli Ni ka mi lukulula kapili. Mwa ziba seo Moya o Kenile uli sona. Ka Liñolo la Mafelelezo la busihu boo . . . Nina ni sishañata tuna faa, kono lu ka siya fela zeo. Ha lu apuleñi mwa Makorinte Bapili 12. Mi lu bale se, mi kona luka—luka kwala. Ku lukile. Makorinte Bapili, kauhanyo ya 12.

Ki ba bakai baba lumela tumelo ya Mulu Paulusi? [Kopano ili, “Amen.”—Mu.] Luli! Na ize, mwa Magalata 1:8, “Haiba

Lingeloi li luta taba yeshutana, libe anatema,” niyena mukutazi ha ki mwana moola. “Haiba Lingeloi lelizwa kwa Lihalimu li ka luta taba ye shutana, li be anatema.” Mwabona, haana sa kueza ni zeo.

¹³² Cwale amutalime se, Makorinte Bapili 12. Ki—ki ba bakai babazi kuli lu swanela kuba ku Kreste kuli luye mwa zuho, kakuli ki Mubili wa Hae woo Mulimu asepsize kuli uka zusa? [Kopano ili, “Amen.”—Mu.] Hakuna nzila isili. Hakuna nzila isili, haiba u kwande a Kreste.

Mwakona kotalima *kwa* mulaho kwanu ni ku lumela ku Yena, muli, “Luli, Na Mu lumela. Ki yena Mwana Mulimu.” Kihande, muzwale waka, Ni itukisize kuswalana mwa lizoho ni wena ha u ka bulela cwalo. “Ni lumela ku Yena. Ni ka Mu bulela kuba Mupulusi waka.” Zeo ki hande, kono ha u yo ku Yena. “Ni ka itumelisa mwa lizoho ni mukutazi. Ni ka bakela libi zaka.” Zeo ni teni haliyo ku Yena.

¹³³ Cwale amutalime, mubone sa na bulezi Paulusi, mo mu kenela ku Kreste. U ka zibahala cwani sina mupato? Abrahamama, ne ba mufile sisupo. Muteleze ku se cwale, Makorinte Bapili, kauhanyo ya 12, mi ha lu baleñi kukalela ni timana ya 12.

Kakuli mubili sina ha u li ulimuñwi, mi una ni lilama zeñata, mi lilama. . .kaufela za mubili wani, ni ha lili zeñata, ki mubili ulimuñwi: ni yena Kreste u cwalo. (Ha si ka kauhana. “Alimuñwi!”)

Muteeleze. “Kakuli ka keleke iliñwi”? Ki ba bakai babasweli kubala mwa mulaho wa ka? “Ka kuswalana mwa mazoho hañwi”? “Ka mezi alimañwi”? Batili. Kipeto mutu u lyangani foo.

“Ka Moya ulimuñwi!” Kana ki taku yetuna nji? Wani ki, “Moya o Kenile,” kanti. Mwabona?

. . .ka Moya ulimuñwi luna kaufela lu kolobelizwe mwa mubili ulimuñwi, kamba luba Majuda kamba lu Bamacaba, nihaiba baba luwilwe kamba baba lukuluhile; mi kaufela lu nwisizwe kwa Moya ulimuñwi.

¹³⁴ Mubili wa Kreste ki Moya ulimuñwi, koo membala kaufela, kuzwa kwa Pentekota kutaha ka nako ye, lunwile kwa Veine yenca yeswana, ona Moya o Kenile oswana, uka tisa linepo zeswana. Lu eza cwani zeo? “Ka Moya ulimuñwi.”

Ki munyako wa Mulimu o kwaluhile, ona Moya o Kenile. Kinto mañi Yeo? Ki munyako wa Mulimu o kwaluhile. Ki sisupo. Ki liswayo. Ki Mutiisapilu. Ki Muyemeli. Ki sepiso. Ki pumulo. Ki kozo. Ki bunde. Ki foliso. Ki Bupilo. Ki—Ki munyako wa Mulimu o kwaluhile kwa lika ze kaufela. Ki munyako wa Mulimu o kwaluhile ku Kreste, obile ni . . .

Mulimu na bonisize kuli Na zusize Jesu kwa bafu, mi ba ba shwezi ku Kreste bani Mulimu uka ba zusa hamoho ni Yena

mwa zuho. “Musike mwa nyemisa Moya o Kenile o muswailwe nombolo ka ona ku Krete kuisa lizazi la kuliululwa kwa mina.” Whew! Ki ba bakai baba lumela cwalo? [Kopano ili, “Amen.”—Mu.]

¹³⁵ Krete ki mañi? Moya o Kenile ki nto mañi? Ha ki sika se ba seha batu. Ki sika se ba seha batu; kono ha ki cwalo, ku mulumeli.

Ku ya sa lumeli! Ni lakaza kuli kambe Ni nani lisunda zepeli kamba zetaalu, Ni ka tabela kunga kamuso busihu ni ku mi bulelela seo sili Sona ku ya sa lumeli. Halubone ni fela nifite mwateni, fa nako nyana fela. Ki siseho. Ki siteo. Ki licwe le li sitatalisa. Ki lifu. Ki ku kauhana ni Mulimu Kuyakuile. Ha ni sa hupula fela ze zamayala ni ya sa la lumeli!

¹³⁶ Muhupule, pula yeswana yeo ya salumeli na keshebisize, neli pula yeswana yene pilisize Nuwe ni lubasi lwa hae. Mwabona? Ona Moya o swana, Moya o Kenile o basweli kukeshabisia batu bali ki “bukuba, ni sikwata sa likuba, Ki kulyangana,” Ki nto yeswana ye ka Ngela Keleke ni ku I ngela mwa lihalimu ka mazazi amafelelezo; kiyona ye ka tisa katulo fahalimwa ya sa lumeli. Yeo ki niti. Seo kona Moya o Kenile uli sona.

¹³⁷ Mbuyoti ki ya baba... Haluboneñi Ni bulele se, ka busepahali bwa pilu yaka. Mbuyoti ki ya baba nani tala ni linyolwa la Teni, kakuli ba ka kuliswa.

¹³⁸ Kamuso busihu luka ambola ka zona, So ezanga ha So tile.

¹³⁹ Cwale, ki ba bakai mo baba tabela kuamuhela Moya o Kenile, mi mubata kuli yomuñwi ami lapelele kwateni, kuli mubone Liseli?

Mwa ziba “seo Uli sona.”

Cwale, kamuso busihu, luka nga, “So eza.”

¹⁴⁰ Mi cwale busihu bo butatana, ki, “mwa ku U amuhelela.” Mi kona lu ka biza, kuba ni sicaba mo ku ba tatululela, ni kukena fela mwa mizuzu ni kuina mwateni, haiba si ka lwala nako kaufela ya Kilisimasi, ki hande, kufitela Moya o Kenile utaha. Lu ka U atumela ka mutomo wa niti, wa Bibe. Lu ka U atumela ni ku U nga sina Mulimu mwa na U sepiselize, mi No suluhile kwa makalelo. Kona mo lu ka li ezeza cwalo. Na... Ha si pangi shutano ni yekana ka sa bulela mutu, luteñi... .

Linzwi la Mulimu li... na ni mayemo amakalelo mwa pilu yaka. Yeo ki niti. Mi Ni bata seo Mulimu ani bulukezi. Haiba kuna ni sesñwi hape, kwalula Lihalimu, Mulena, kakuli pilu yaka—yaka i kwaluhezi zona. Yeo ki niti.

¹⁴¹ Ki ba bakai baba U bata? Cwale nanula lizoho la hao, ubulele kuli, “Ni lapelele kwateni.” Cwale, hamunze muinzi cwalo, munanule mazoho amina.

Ndate yakwa Lihalimu, lu lutile fa nako yetelele. Kono Moya wa Hao uteni mo. Kuna ni mazoho ananuhezi mwahalimu cwale. Mi ba ziba seo Uli sona, mi ba ziba seo Moya o Kenile utalusa. Na lapela, Mulimu, kuli mukopano wo u si ka fela kale, kuli lizoho kaufela mwahali mo li ka nanuha kuli ba Li amuhezi. Lumeleza cwalo, Mulena.

¹⁴² Lwa ba lapelela. Lu kupa kuli Wena u ba fuyole, ni kubafa takazo ya pilu za bona. Talima mazoho abona, Mulena. Ba Ku lata. Ba U bata. Baziba kuli habakoni kuya . . . Kamuso busihu, haiba Uka ni tusa, Mulena, lwakona ku libonisa mwa Mañolo kuli habana ku yo punya mwa Kuungelwa kusina Ona. Kacwalo Na lapela, Ndate, kuli U bafe tala ni linyolwa, kuli ba kuliswe. Ni ba tisa ku Wena cwale, Ndate. Mi, lumeleza limbuyoti zee, sina ha lu kupa ka Libizo la Jesu. Amen.

Na Mu lata, Na Mu lata
Kakuli U ni latile
Ni kuleka puluso yaka
Fa Kalvari.

¹⁴³ Ni bata kubulela cwana lu si ka opela kale hape. Ni bata ku kopana ni sikwata sa bakutazi mwa muzuzu wo moo, La Bufaifi busihu, sebelezo isika kalisa kale, mwabona, la Bufaifi busihu. Ni . . .

Mwa bona se Ni li kueza? Kubonisa seo uli Sona, mwa ku U talimela ni sa ku kuteka; mi ha mutahi ka bubofu, inge lu ngungula mwa sika. Leo kona libaka ha Ni si ka kupa zeo busihu boo. Ni bata kuli muzibe seo Uli sona. Ki sepiso. Ki liswayo. Ki Mutiisapilu. Ki zeo kaufela.

Mi, kamuso busihu ni busihu bobutatama, cwale lu ka kalisa kapili fela ona cwalo, kuzwa foo kuya kwapili, kufitela U taha. Hakuna taba kamba unga nako yekuma kai; lu ka ina kufitela nako yeo. Kenisa pilu ya hao. Haana ku U sululela mwa pilu yemasila. Ba yalukile, ba yaitukisize, mi Uka u lumeleza.

Na Mu lata, Na Mu lata (ha lu nanuleñi mazoho
aluna cwale)
Kakuli U ni latile
Ni kuleka puluso yaka
Fa Kalvari.

Mulisana ubulezi fela, mi lwa lumela, kuli kamuso busihu lu kala ka sebene kufita kuba ka sebene-seti. Mi seo si ka ni konisa ku mi lukulula ka eiti-seti kufita kuba ka naini-seti. Ka sebene se- . . . Ka sebene kiloko, kamuso busihu, sebelezo ya lipina ika kalisa. Li kaba fa Liñusa laka ka sebene-seti.

Na Mu lata,
Halungeni tutaalo lwaluna ni ku tu fukisa ku Yena.
Na Mu lata
Mu zwe fela mwa mikwa ya sizo cwale!

Kakuli U ni latile
Ni kuleka puluso yaka
Fa Kalvari.

Ku lukile, mulisana wa mina cwale, Muzwale Neville.



MOYA O KENILE KI NTO MAÑI? LOZ59-1216

(What Is The Holy Ghost?)

MUKOLOKO KAZA MOYA O KENILE

Liñusa le ka Muzwale William Marrion Branham, neli kotalizwe lwa pili mwa Sikuwa la Bulalu manzibwana, Ñulule 16, 1959 ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatsiwa kusina kuzusa sika mwa teni kuya Sikuwa. Toloko ye ya mwa Silozi nei hatsizwe ni ku hasanyiwa kiba Voice Of God Recordings.

LOZI

©2021 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org